



09448

書經卷十五

漢 諫大夫曾孔安國傳

周書

召誥第十四

成王在豐欲宅洛邑

舊武王克商遷九鼎於洛邑欲以為都故成王居焉

使召公先相宅

舊相所居而下之遂以陳戒作召誥

公劉

召誥 舊召公以成王新卽政因相宅以作誥

惟二月既望

舊周公攝政七年二月十五日五月日月相望因紀之

書經

卷五

周書召誥

永懷堂

越六日乙未王朝步自周則至于豐

傳於已翌後六日二十一日成王朝行從鎬京則至于豐以遷都之事至文王廟告文王則告武王可知以祖見考

惟太保先周公相宅

傳太保三公官名召公也召公於周公前相視洛居周公後往

越若來三月惟丙午牝越三日戊申太保朝至于洛卜宅

傳牝明也月三日明生之各於順來三月丙午牝於牝三日三月五日召公早朝至于洛邑相卜所居。牝芳尾反

厥既得卜則經營

傳其已得吉卜則經營規度城郭邦廟朝市之位處

越三日庚戌太保乃以庶殷攻位于洛汭越五日甲寅位成



傳於戊申三日庚戌以衆殷之民治都邑之位於洛水北今河南城也於庚戌五日所治之位皆成言衆殷本其所由來

若翼日乙卯周公朝至于洛

傳周公順位成之明日而朝至於洛納

則達觀于新邑營

傳周公通達觀新邑所營言周徧

越三日丁巳用牲于郊牛二

傳於乙卯三日用牲告立郊位於天以后稷配故二牛后稷配於天有羊豕羊豕不見可知

越翼日戊午乃社于新邑牛一羊一豕一

傳告立社稷之位用太牢也共工氏子曰句龍能平水土祀以為社周祖后稷能殖百穀祀以為稷社稷共牢○共音恭

書經

卷五

周書召誥

二

永懷堂

越七日甲子周公乃朝用書命庶殷侯甸男邦伯

傳於戊午七日甲子是時諸侯皆曾故周公乃昧爽以賦功屬設書命衆殷侯甸男服之邦伯使執功邦伯方伯卽州牧也

厥既命殷庶庶殷丕作

傳其已命殷衆衆殷之民大作言勸事

太保乃以庶邦冢君出取幣乃復入

傳諸侯公卿蒞觀於王王與周公俱至文不見王無事召公與諸侯出取幣欲因大會顯周公

錫周公曰拜手稽首旅王若公

傳召公以幣入稱成王命賜周公曰敢拜手稽首陳王所宜順周公之事

告庶殷越自乃御事

傳召公指戒成王，而以衆殷諸侯於自  
乃御治事爲辭謙也。諸侯在，故託焉。

嗚呼。皇天上帝，改厥元子。茲大國殷之命。

傳歎皇天改其大子，此大國殷之命言紂  
雖爲天所大子，無道尤改之，言不可不慎。

惟王受命無疆，惟休亦無疆，惟恤。

傳所以戒成王，天改殷命，惟王受  
之，乃無窮，惟美亦無窮，惟當憂之。

嗚呼。曷其柰何弗敬。

傳何其奈何不憂  
敬之欲其行敬。

天既遐終大邦殷之命，茲殷多先哲王在天。

傳言天已遠終殷命，此殷多先哲王  
精神在天，不能收者，以紂不行敬改。

書經

卷五

周書召誥

三

永懷堂

越厥後王後民，茲服厥命。

傳於其後王後民，謂先智王之  
後，繼世君臣，此服其命，言不忝。

厥終智藏，厥在。

傳其終後王之終，謂紂也。賢智  
隱藏，厥病者在位，言無良臣。

夫知保抱，攜持厥婦子，以哀籲天，徂厥亡，出執。

傳言困於虐政，夫知保抱其子，攜持其妻，以哀號呼天，告寃無  
辜，往其逃亡，出見執殺無地，自容，所以窮。籲音踰，號戶高反。

嗚呼。天亦哀于四方民，其眷命用懋。

傳民哀呼天，天亦哀之，其顧視天  
下有德者，命用勉敬者爲民主。

王其疾敬德，相古先民有夏。

傳言王當疾行敬德視古先  
民有夏之王以為法戒之

天道從子保而稽天若今時既墜厥命

傳夏禹能敬德天道從而子安之禹亦面考天  
心而順之今是桀棄禹之道天已墜其王命

今相有殷

傳次復  
觀有殷

天迪格保而稽天若

傳言天道所以至於  
保安湯者亦如禹

今時既墜厥命

傳墜其  
王命

書經

卷五

周書召誥

四

永懷堂

今冲子嗣則無遺壽考

傳童子言成王少嗣位治政無  
遺棄老成人之言欲其法之

曰其稽我古人之德矧曰其有能稽謀自天

傳冲子成王其考行古人之德則善矣  
况曰其有能考謀從天道乎言至善

嗚呼有王雖小元子哉其不能誠于小民今休

傳召公歎曰有成王雖少而大為天所子其  
大能和於小民成今之美勉之誠音咸

王不敢後用顧畏于民

傳王為政當不敢後能用之士必任之為先若僻也又當顧畏  
於下民若若禮義能此二者則德化立美道成也○若音吟

王來紹土龍

服于土

傳言王今來居洛邑繼天爲治躬自服行教化於地勢正中

且曰其作大邑其自時配皇天。

傳稱周公言其爲大邑於土中其用是大邑配上天而爲治

祀于上下其自時中又。故厥德乃早歷厥命

傳爲治當慎祀于天地則其用是土中大致治

王厥有成命治民令休。

傳用是土中致治則王其有天之成命治民今獲太平之美

王先服殷御事比介于我有周御事。

傳召公既述周公所言又自陳已意以終其戒言當先服治殷家御事之臣使比近於我有周治事之臣必和協乃可

書經

卷五

周書召誥

五

永懷堂

節性惟日其邁。

傳和比殷周之臣時節其性令不失中則道化惟日其行

王敬作所不可不敬德。

傳敬爲所不可不敬之德則下敬奉其命矣

我不可不監于有夏亦不可不監于有殷。

傳言王當視夏殷法其歷年戒其不長

我不敢知曰有夏服天命惟有歷年。

傳以能敬德故多歷年數我不敢獨知亦王所知

我不敢知曰不其延惟不敬厥德乃早墜厥命。

傳言桀不謀長久惟以不敬其德故乃早墜失其王命亦王所知

我不敢知曰有殷受天命惟有歷年

傳夏言服殷言受明受而服行之互相兼也殷之賢王猶夏之賢王所以歷年亦王所知

我不敢知曰不其延惟不敬厥德乃早墜厥命

傳紂早墜其命猶桀不敬其德亦王所知

今王嗣受厥命我亦惟茲二國命嗣若功

傳其夏殷也繼受其王命亦惟當以此夏殷長短之命為監視繼順其功德者而法則之

王乃初服嗚呼若生子罔不在厥初生自貽哲命

傳言王新即政始服行教化當如子之初生習為善則善矣自遺智命無不在其初生為政之道亦猶是也

書經

卷五

周書召誥

六

永懷堂

今天其命哲命吉凶命歷年

傳今天制此三命惟人所修修敬德則有智則常吉則歷年為不敬德則愚凶不長雖說之其實在人

知今我初服宅新邑肆惟王其疾敬德

傳天已知我王今初服政居新邑洛鄒故惟王其當疾行敬德

王其德之用祈天永命

傳言王當其德之用不其祈天永命

其惟王勿以小民淫用非彝

傳勿用小民濫用非當欲其重民秉常

不敢殄戮用此民

傳亦當舉敢絕刑戮之道用治民戒以慎罰

若有功其惟王位在德元

傳順行禹湯所以成功則其惟王居位在德之首

小民乃惟刑用于天下越王顯

傳王在德元則小民乃惟用法於天下言治政於王亦有光明

上下勤恤其曰我受天命丕若有夏歷年式勿替有殷歷年

傳言當君臣勤憂敬德曰我受天命大順有夏之冬歷年勿用廢有殷歷年庶幾兼之

欲王以小民受天永命

傳我欲王用小民受天長命言常有民

書經

卷五

周書召誥

七

永懷堂

拜手稽首曰予小臣敢以王之讎民百君子

傳拜手首至手稽首首至地盡禮致敬以入其言言我小臣謙辭敢以王之匹民百君子治民者非一人言民在下自上匹之

越友民保愛之威命明德

傳言與匹民百君子於友愛民者共安受王之威命明德奉行之

王末有成命王亦顯

傳臣不安受王命則王終有天成命於王亦昭著

我非敢勤惟恭奉幣用供王能祈天永命

傳言我非敢獨勤而已惟恭敬奉其幣帛用供待王能求天長命將以慶王多福必上下勤恤乃與小民受天永命

周書



洛誥第十五

召公既相宅周公往營成周使來告卜

傳召公先相宅卜之則公自後至經營作之遣

使以所卜吉兆逆告成王

其前凡此皆

洛誥

傳既成洛邑將致政成王告以居洛之義

周公拜手稽首曰朕復子明辟

傳周公盡禮致敬言我復還明君之政於子子成王年二十成人故必歸政而退老○辟必亦反

王如弗敢及天基命定命

傳如往也言王往日幼少不敢及知天始命周家安定天下之命故已攝

予乃膺保大相東土其基作民明辟

書經

卷五

周書洛誥

八

永懷堂

傳我乃繼文武安天下之道大相洛邑其始為民明君之治

予惟乙卯朝至于洛師

傳致政在冬本其春來至洛衆說始卜定都之意

我卜河朔黎水我乃卜澗水東瀼水西惟洛食

傳我使人卜河北黎水上不吉又卜澗瀼之間南近洛吉今河南城也卜必先墨畫龜然後灼之兆順食墨

我又卜瀼水東亦惟洛食佯來以圖及獻卜

傳今洛陽也將定下都遷殷頑民故并卜之遣使以所卜地圖及獻所卜吉兆來告成王

王拜手稽首曰公不敢不敬天之休來相宅其作周匹休

傳成土尊敬周公答其拜手稽首而受其言迺而美之吉公不敢不敬天之美來相宅其作周以配天之美

公既定宅，佯來，來視予，卜休恆吉。我二人共貞。

傳言公前已定宅，遣使來來視我，以所卜之美，常吉之居，我與公共其美。

公其以予萬億年，敬天之休。

傳公其當用我萬億年，敬天之美，十千為萬，十萬為億，言久遠。

拜手稽首，誨言。

傳成王盡禮致敬於周公來教誨之言。

周公曰：王肇稱殷禮，祀于新邑，咸秩無文。

傳言王當始舉殷家祭祀以禮典祀於新邑，皆次秩不在禮文者而祀之。

予齊百工，佯從王于周，予惟曰：庶有事。

書經

卷五

周書洛誥

九

永懷堂

傳我暨齊百官使從王於周行其禮典，我惟曰庶幾有善政事。

今王即命曰：記功宗，以功作元祀。

傳今王就行王命於洛邑，曰當記人之功，尊人亦當用功，大小為序，有大功則列大祀，謂功施於民者。

惟命曰：汝受命篤弼，不視功載，乃汝其悉自教工。

傳惟天命我周邦，汝受天命厚矣，當輔大天命，視羣臣有功者，記載之，乃汝新即政，其當盡自教眾官，躬化之。

孺子其朋，孺子其朋其往。

傳少子慎其朋黨，少子慎朋黨，戒其自今已往。

無若火，始燄燄，厥攸灼，叙弗其絕。

傳言朋黨敗俗，所宜禁絕，無令若火始燄燄，尚微其所及，灼然有大序，不其絕事，從微至著，防之宜以初。燄音豔。

厥若舜及撫事如予惟以在周下

舊其順常道及撫國事如我所為惟用在周之百官

往新邑俾嚮卽有僚明作有功惇大成裕汝永有辭

舊往行政化於新邑當使臣下各嚮就有官明為有功厚大成寬裕之德則汝長有歎譽之辭於後世

公曰已汝惟冲子惟終

舊已乎汝惟童子嗣父祖之位惟當終其美業

汝其敬識百辟享亦識其有不享享多儀儀不及物惟曰不享

舊奉上謂之享言汝為王其當敬識百君諸侯之奉上者亦識其有違上者奉上之道多威儀威儀不及禮物惟曰不奉上

惟不役志于享凡民惟曰不享惟事其爽侮

書經

卷五

周書洛誥

十

永懷堂

舊言人君惟不役志於奉上則凡人化之惟曰不奉上矣如此則惟政事其差錯侮慢不可治理

乃惟孺子頒朕不暇聽朕教汝于棗民彝

舊我為政常若不暇汝惟小子當分取我之不暇而行之聽我教汝於輔民之常而用之○棗音匪

汝乃是不禮乃時惟不永哉

舊汝乃是不勉為政汝是惟不可長哉欲其必勉為可長○禮莫剛反

篤叙乃正父罔不若予不敢廢乃命

舊厚次叙汝正父之道而行之無不順我所為則天下不敢棄汝命當奉之

汝往敬哉茲予其明農哉彼裕我民無遠用戾

舊汝往居新邑敬行教化哉如此我其退老明教農人以義哉彼天下被寬裕之政則我民無遠用來言皆來

子若曰公明保子冲子

傳成王順周公意請留之自輔言公當明安我童子不可去之

公稱丕顯德以予小子揚文武烈

傳言公當留舉大明德用我小子褒揚文武之業而奉順天

奉答天命和恆四方民居師

傳又當奉當天命以和常四方之民居處其衆

惇宗將禮稱秩元祀咸秩無文

傳厚尊大禮舉秩六祀皆次秩無禮文而宜在祀典者凡此待公而行

惟公德明光于上下勤施于四方

書經

卷五

周書洛誥

傳言公明德光於天地勤政施於四海萬邦四夷服仰公德而化之

旁作穆穆迓衡不迷文武勤教

傳四方旁來為敬敬之道以迎太平之政不迷惑於文武所勤之教言化治

予冲子夙夜祗祀

傳言政化由公而立我童子徒早起夜寐慎其祭祀而已無所能

王曰公功棐迪篤罔不若時

傳公之功輔道我已厚矣如時天下無不順而是公之功

王曰公予小子其退即辟于周命公後

禮我小子退坐之後便就君於周命是公後公當留佑我

土

永懷堂

四方迪亂未定于宗禮亦未克救公公功

傳言四方雖道治猶未定於尊禮禮未彰是亦未能撫順公之大功明不可以去○救亡婢反

迪將其後監我士師工

德公留教道將助我其今已後之政監篤我政事衆官委任之言

誕保文武受民亂為四輔

傳大安文武所受之民治之為我四維之輔明當依倚公

王曰公定予往已公功肅將祇歡

傳公留以安定我我從公言往至洛邑已矣公功以進大天下咸敬樂公功○樂音洛

公無困哉我惟無斃其康事公勿替刑四方其世享

書經

卷五 周書洛誥

十一

永懷堂

傳公必留無去以困我哉我惟無厭其安天下事公勿去以廢法則四方其世享公之德○斃音亦厭於豔反

周公拜手稽首曰王命予來承保乃文祖受命民

傳拜而後言許成王留言王命我來承安汝文德之祖文王所受命之民是所以不得去

越乃光烈考武王弘朕恭

傳於汝大業之受武王天使我恭奉其道叙成王留已意

孺子來相宅其大惇典殷獻民

傳少子全所以來相宅於洛邑其大厚行典當於殷賢人

亂為四方新辟作周恭先

傳言當治理天下輔其政化為四方之新君為周家見恭敬之王後世厥推先也

曰其自時中又萬邦咸休惟王有成績

傳曰其當用是上中為治使萬國皆被美德如此惟王乃有成功

予且以多子越御事篤前人成烈荅其師作周孚先

傳我且以衆卿大夫於御治事之臣厚率行先王成業當其衆心為周家立信者之所推先

考朕昭予刑乃單文祖德佻來茲殷乃命寧

德我所成明子法乃盡文祖之德謂典禮也所以居士中是文武使已來慎教殷民乃見命而安之○單音丹

予以秬鬯二卣曰明禋拜手稽首休享

傳周公攝政七年發太平以黑黍酒之器明潔致敬告文武以美享既告而致政成王留之本說之○卣音由禋音因

予不敢宿則禋于文王武王

書經 卷五 周書洛誥

傳言我見天下太平則報告文武不經宿

惠篤叙無有違自疾萬年厭于乃德殷乃引考

傳汝為政當順典常厚行之使有次序無有過用患疾之道者則天下萬年厭於汝德殷乃長成為周○邁王臣友

王仲殷乃承叙萬年其永觀朕子懷德

傳王使殷民上下相承有次序則萬年之道民其長觀我子孫而歸其德矣勉使終之

戊辰王在新邑

傳戊辰既受周公歸遂就厥洛邑以十二月戊辰解到

烝祭歲文王騂牛一武王騂牛一王命作冊逸祝冊惟告周公其

後

僅明月夏之仲冬始於新邑烝祭故曰烝祭歲古者稟德賞功必於祭以示不專也特加文武各一牛告曰尊周公立其後爲魯侯之駢

音辛

### 王賓殺禋咸格王入太室禩

傳王賓異周公殺牲精意以享文武皆至其廟親告也太室清廟禩告神禩宮與人

### 王命周公後作冊逸誥

傳王爲冊書使史逸誥伯禽封命之書皆同在烝祭日周公拜前魯公拜後

### 在十有二月惟周公誕保文武受命惟七年

傳言周公攝政盡此十二月大安安文武受命之事惟七年天下太平自戊辰已下史所終述

書經

卷五 周書洛誥

古

永懷堂

十有二月惟周公誕保文武受命惟七年

傳言周公攝政盡此十二月大安安文武受命之事惟七年天下太平自戊辰已下史所終述

王命周公後作冊逸誥

傳王爲冊書使史逸誥伯禽封命之書皆同在烝祭日周公拜前魯公拜後

王賓殺禋咸格王入太室禩

傳王賓異周公殺牲精意以享文武皆至其廟親告也太室清廟禩告神禩宮與人

書經卷十五 終

此卷之終也其後爲魯侯之駢

書經卷十六

漢諫大夫魯孔安國傳

周書

多士第十六

成周既成

傳洛陽下都

遷殷頑民

傳殷大夫士心不則德義之經故徙近王都教誨之

周公以

王命誥

傳稱成王

作多士

多士

傳所告者即衆士故以各篇

惟三月周公初于新邑洛用告商王

傳周公致政明年三月始於新邑洛用王命告商王之衆士

書經

卷六

周書多士

永懷堂

王若曰爾殷遺多士

傳順其事稱以告殷遺除衆士所廝在下

弗予旻天大降喪于殷

傳稱天以愍下言愍道至者殷道不至故旻天下喪亡于殷○形音的

我有周佑命將天明威

傳言我有周受天佑助之命故得奉天明威

致王罰勅殷命終于帝

傳天命周致王者之誅罰正黜殷命終周於帝王

肆爾多士非我小國敢弋殷命



傳天佑我故汝眾士臣服我弋取也非我敢取殷王命乃天命

惟天不畀允罔固亂弼我我其敢求位

傳惟天不與信無堅固治者故轉佑我我其敢求天位乎

惟帝不畀惟我下民秉爲惟天明畏

傳惟天不與約惟我周家下民秉心爲我皆是天明德可畏之數

我聞曰上帝引逸有夏不適逸則惟帝降格

傳言上天引民長逸樂有夏桀爲政之運樂故天下至戒以譴告之

嚮于時夏弗克庸帝大淫泆有辭

傳天下至戒是嚮於時夏不肯棄桀不能用天戒大爲過逸之行有惡聲聞於世○決音遙背音佩

書經

卷六

周書多士

惟時天罔念聞厥惟廢元命降致罰

傳惟是桀惡有辭故天無所念聞言不佑其惟廢其大命下致天罰

乃命爾先祖成湯革夏俊民甸四方

傳天命湯更代夏用其賢人治四方

自成湯至于帝乙罔不明德恤祀

傳自帝乙以上無不顯用有德憂念齊敬奉其祭祀言能保宗廟社稷

亦惟天丕建保乂有殷殷王亦罔敢失帝罔不配天其澤

傳湯既革夏亦惟天大立安治於殷我家諸王皆能憂念祭祀無敢失天道者故無不配天布其德澤

在今後嗣王誕罔顯于天矧曰其有聽念于先王勤家

二

永懷堂

傳後嗣王紂大無明於天道行昏虐天且忿之况口共有聽念先祖勤勞國家之事乎

誕淫厥泆罔顧于天顯民祗。

傳言紂大過其過無顧於天無能明人為敬暴亂甚

惟時上帝不保降若茲大喪。

傳惟是紂惡天不安之故下若此大喪亡之誅

惟天不弔不明厥德凡四方小大邦喪罔非有辭于罰。

傳惟天不與不明其德者故凡四方小大國喪滅無非有辭於天所謂言皆有閭亂之辭

王若曰爾般多士今惟我周王丕靈承帝事。

傳周王文武也天禮奉天事言功德恤祀

書經 卷六 周書多士

有命曰割殷告勅于帝。

傳天有命命周割絕般命告正於天謂既克紂柴於牧野告天不頓兵傷士

惟我事不貳適惟爾王家我適。

傳言天下事已之我周矣不貳之他惟汝殷王家已之我不復有變

予其曰惟爾洪無度我不爾動自乃邑。

傳我其曰惟汝大無法度謂紂無道我不先動誅汝亂從汝邑起言自召禍

予亦念天卽于殷大戾肆不正。

傳我亦念天就於殷大罪而加誅者故以紂不能正身念法

王曰猷告爾多士予惟時其遷居西爾。

傳以道告汝衆士我惟汝未達德義是以徙居西汝於洛邑教誨汝

非我一人奉德不康寧時惟天命

傳我徙汝非我天子奉德不能使民安之是惟天命宜然

無違朕不敢有後無我怨

傳汝無違命我亦不敢有後誅汝無怨我

惟爾知惟殷先人有册有典殷革夏命

傳言汝所親知殷先世有册書典籍說殷改夏王命之意

今爾又曰夏迪簡在王庭有服在百僚

傳簡大也今汝又曰夏之衆士蹈道者大在殷王庭有服職在百官言見任用

書經

卷六 周書多士

予一人惟聽用德肆予敢求爾于天邑商

傳言我周亦法殷家惟聽用有德故我敢求汝於天邑商將任用之

予惟率肆矜爾非予罪時惟天命

傳惟我循殷故事憐愍汝故徙教汝非我罪咎是惟天命

王曰多士昔朕來自奄予大降爾四國民命

傳昔我來從奄請先誅三監後伐奄淮夷民命謂君也大下汝民命謂誅四國君

我乃明致天罰移爾遐邇比事臣我宗多遜

傳四國君叛逆我下其命乃所以明致天罰今移徙汝於洛邑使汝遠於惡俗比近臣我宗周多為順道○比明志反下同

王曰告爾般多士今予惟不爾殺予惟時命有申

傳所以徙汝是我不欲殺汝故惟是教命申戒之

今朕作大邑于茲洛。予惟四方罔攸賓。

傳今我作此洛邑以待四方無有遠近無所賓外

亦惟爾多士攸服奔走臣我多遜。

傳非但待四方亦惟汝衆士所當順行奔走臣我多爲順事

爾乃尚有爾士爾乃尚寧幹止。

傳汝多爲順事乃庶幾還有汝本土乃庶幾安汝故事止居以反所生誘之

爾克敬天惟界矜爾。

傳汝能敬行順事則爲天所與爲天所憐

書經

卷六

周書多士

五

永懷堂

爾不克敬爾不啻不有爾士予亦致天之罰于爾躬。

傳汝不能敬順其罰深重不但不得還本土而已我亦致天罰於汝身言刑殺

今爾惟時宅爾邑繼爾居爾厥有幹有年于茲洛。

傳今汝惟是敬順居汝邑繼汝所當居爲則汝其有安事有豐年於此洛邑言由洛修善得還本土有幹有年

爾小子乃興從爾遷。

傳汝能敬則于孫乃起從汝化而遷善

王曰又曰時予乃或言爾攸居。

傳言汝衆士當是我勿非我也我乃有教誨之言則汝所當居行

周書

無逸第十七

周公作無逸傳中人之性好逸

無逸傳成王即位恐其逸

周公曰嗚呼君子所其無逸

傳歎美君子之道所在念德其無逸豫君子日猶然况王者乎

先知稼穡之艱難乃逸則知小人之依

傳稼穡農夫之艱難事先知之乃謀逸豫則知小人之所依恃

相小人厥父母勤勞稼穡厥子乃不知稼穡之艱難

傳視小人不孝者其父母躬勤艱難而子乃不知其勞

書經 卷六 周書無逸

乃逸乃諺既誕否則侮厥父母曰昔之人無聞知

傳小人之子既不知父母之勞乃為逸豫遊戲乃叛諺不恭已欺誕父母不欺則輕侮其父母曰古老之人無所聞知

周公曰嗚呼我聞曰昔在殷王中宗

傳太戊也殷家中世尊其德故稱宗

嚴恭寅畏天命自度

傳言太戊嚴恪恭敬畏天命用法度

治民祇懼不敢荒寧

傳為政敬身畏懼不敢荒怠自安

肆中宗之享國七十有五年

得壽考之福

其在高宗時舊勞于外爰暨小人

傳武丁其父小乙使之久居民間勞是孫穉與小人出入同事

作其卽位乃或亮陰三年不言

傳武丁起其卽王位則小乙死乃有信默三年不言言考行著

其惟不言言乃雍不敢荒寧

傳在喪則其惟不言喪畢發言則天下和亦法中宗不敢荒意自安

嘉靖殷邦至于小大無時或怨

傳善謀殷國至于小大之政人無是有怨者言無非

書經

卷夫

周書無逸

肆高宗之享國五十有九年

傳高宗為政小大無怨故亦享國永年

其在祖甲不義推王舊為小人

傳湯孫太甲為王不義久為小人之行伊尹放之桐

作其卽位爰知小人之依能保惠于庶民不敢侮鰥寡

傳在桐三年思集用光起就王位於是知小人之所依依仁政故能安順於衆民不敢侮慢孱獨一憚求營反字又作覺

肆祖甲之享國三十有三年

傳太甲亦以知小人之依故得久年此以德優劣立年多少為先後故祖甲在下殷家亦祖其功故稱祖

自時厥後立王生則逸

傳從是三王各承其後而立者生則逸豫無度

生則逸不知稼穡之艱難

傳言與小人之子同其蔽

不聞小人之勞惟耽樂之從

傳過樂謂之耽惟樂之從言荒淫

自時厥後亦罔或克壽

傳以耽樂之故從是

或十年或七八年或五六年或四三年

傳高者十年下者三年言逸樂之損壽

書經 卷六 周書無逸

周公曰嗚呼厥亦惟我周太王王季克自抑畏

傳太王周公曾祖王季即祖言皆能以義自抑畏敬天命將說文王故本其父祖

文王卑服即康功田功

傳文王節儉卑其衣服以就其安人之功以就田功以知稼穡之艱難

徽柔懿恭懷保小民惠鮮鰥寡

傳以美道和民故民懷之以美政恭民故民安之又加惠鮮之鰥寡之人

自朝至于日中旻不遑暇食用咸和萬民

傳從朝至日旻不暇食思慮政事用皆和萬民○旻田節反

文王不敢盤于遊田以庶邦惟正之供

傳文王不敢樂於遊逸田獵以衆國所取法則當以正道供待之故

文王受命惟中身厥享國五十年

傳文王九十七而終中身卽位時年四十七言中身舉全數

周公曰嗚呼繼自今嗣王

傳繼從今已往嗣世之王皆戒之

則其無淫于觀于逸于遊于田以萬民惟正之供

傳所以無敢過於觀遊逸豫田獵者用萬民當惟正身以供待之故

無皇曰今日耽樂乃非民攸訓非天攸若時人不則有愆

傳無敢自暇曰惟今日樂後日止夫耽樂者乃非所以教民非所以順天是人則大有過矣夫音狀

書經

卷六

周書無逸

九

永懷堂

無若殷王受之迷亂酗于酒德哉

傳以酒爲凶謂之酗言紂心迷政亂以酗酒爲德戒嗣王無如之○酗况付反

周公曰嗚呼我聞曰古之人猶胥訓告胥保惠胥教誨

傳歎古之君臣雖君明臣良猶相道告相安順相教誨以義方

民無或胥譴張爲幻

傳譴張誑也君臣以道相正故下民無有相欺詐幻惑也○幻音患

此厥不聽人乃訓之乃變亂先王之正刑至于小大

傳此其不聽中正之君人乃教之以非法乃變亂先王之正法至于小大無不變亂言已有以致之

民否則厥心逢怨否則厥口詛祝



傳以君變亂正法故民否則其心  
違怨否則其口詛祝言皆患其上

周公曰嗚呼自殷王中宗及高宗及祖甲及我周文王茲四人迪  
哲

傳言此四人皆暗  
智明德以臨下

厥或告之曰小人怨汝詈汝則皇自敬德

傳其有告之言小人怨詈汝  
者則大自敬德增修善政

厥愆曰朕之愆允若時不啻不敢含怒

傳其人有過則曰我過百姓有過在予一人信如  
是怨詈則四王不啻不敢含怒以罪之言常和悅

此厥不聽人乃或譴張為幻曰小人怨汝詈汝則信之

書經

卷六

周書無逸

十

永懷堂

傳此其不聽中正之君有人詭惑  
之言小人怨憾詛詈汝則信愛之

則若時不永念厥辟不寬綽厥心

傳則如是信讒者不長念其為  
君之道不寬緩其心言含怒

亂罰無罪殺無辜怨有同是叢于厥身

傳信讒含怒罰殺無罪則天  
下同怨讎之叢聚於其身

周公曰嗚呼嗣王其監于茲

傳視此亂罰  
之禍以為戒

周書

君奭第十八

召公爲保。周公爲師。相成王爲左右。召公不說。周公作君奭。

**君奭**傳尊之曰君奭。各同姓也。陳古以告之。故以各篇。

周公若曰。君奭。

傳順古道呼其名而告之。

弗弔。天降喪于殷。殷既墜厥命。我有周既受。

傳言殷道不至。故天下喪亡于殷。殷已墜失其天命。我有周道至。已受之。○弔音的。

我不敢知曰。厥基永孚于休。若天棗忱。

傳廢興之跡亦君所知。言殷家其始長信於美道。順天輔誠。所以國也。○忱。市林反。

我亦不敢知曰。其終出于不祥。

**書經**  
**卷六**周書君奭

傳言殷紂其終墜厥命。以出於不善之故。亦君所知。

嗚呼。君已曰。時我我亦不敢寧于上帝命。

傳歎而言曰。君也。當是我之留我亦不敢安于上天之命。故不敢不留。

弗永遠念天威。越我民罔尤違。

傳言君不長遠念天之威。而勤化於我民。使無過違之闕。

惟人。在我後嗣子孫。大弗克恭。上下。邊俟前人。光在家不知。

傳惟衆人共存。在我後嗣子孫。若大不能恭。承天地絕失。先王光大之道。我老在家。則不得知。

天命不易。天難諶。乃其墜命。弗克經歷。

傳天命不易。天難信。無德者。乃其墜失。天命不能經久。歷遠不可不慎。○諶。氏壬反。

前王恭明德在今予小子且

傳繼先王之大業恭奉其明德正在我今小子且言異於餘臣

非克有正迪惟前人光施于我冲子

傳我留非能有改正但欲蹈行先王光大之道施政於我童子童子成王

又曰天不可信我道惟寧王德延

傳無德去之是天不可信故我以道惟安寧王之德謀欲延久

天不庸釋于文王受命

傳言天不用令釋廢於文王所受命故我留在成王

公曰君真我聞在昔成湯既受命

書經

卷六 周書君奭

七

永懷堂

傳已放桀受命為天子

時則有若伊尹格于皇天

傳伊尹佐湯功至大天謂致太平○摯音至

在太甲時則有若保衡

傳太甲繼湯時則有如此伊尹為保衡言天下所取安所取平

在大戊

傳大甲之孫

時則有若伊陟臣扈格于上帝巫咸又王家

傳伊陟臣扈率伊尹之職使其君不墮祖業故至天之功不墮或咸治王家言不及二臣

在祖乙時則有若巫賢

傳祖乙殷家亦祖其功時賢臣有如此巫賢賢咸子巫氏

在武丁時則有若甘盤

傳高宗即位甘盤佐之後有傳說○說音悅

率惟茲有陳保又有殷故殷禮陟配天多歷年所

傳言伊尹至甘盤六臣佐其君術惟此道有陳列之功以安治有殷故殷禮能升配天享國久長多歷年所

天惟純佑命則商實百姓

傳殷禮配天惟六次佑世其王命使商家百姓豐實皆知禮節

王人罔不秉德明恤小臣屏侯甸

書經

卷六

周書君奭

三

永懷堂

傳自湯至武丁其王人無不持德立業明憂其小臣使得其人以為蕃屏侯甸之服小臣且憂得人則大臣可知

矧咸奔走惟茲惟德稱用又厥辟

傳王猶秉德憂臣况臣下得不皆奔走惟王此事惟有德者舉用治其君事

故一人有事于四方若卜筮罔不是孚

傳一人天子也君臣務德故有事于四方而天下化服如卜筮無不是而信之

公曰君奭天壽平格保又有殷有殷嗣天滅威

傳言天壽有乎至也君故安治有殷有殷嗣子糾不能乎至天滅亡加之以威

今汝永念則有固命厥亂明我新造邦

傳今汝長念乎至者安治反是者滅亡以為法或則有堅固王命其治理足以明我新成國矣

公曰君夷在昔上帝割申勸寧王之德其集大命于厥躬。

傳在昔上天割制其義重勸文王之德故能成其大命於其身謂勤德以受命

惟文王尚克修和我有夏亦惟有若虢叔有若闕天。

傳文王庶幾能修政化以和我所有諸夏亦惟賢臣之功為治有如此說闕闕氏說國叔字文王弟天名

有若散宜生有若泰顛有若南宮括。

傳散泰南宮皆氏宜生顛括皆名凡五臣佐文王為胥附奔走先後禦侮之臣

又曰無能往來茲迪彝教文王棗德降于國人。

傳有五賢臣猶曰其少無所能往來而五人以此道法教文王以精微之德下政令於國人言雖聖人亦須良佐

亦惟純佑秉德迪知天威乃惟時昭文王。

書經

卷六

周書君奭

尚

永懷

傳文王亦如股家惟天所大佑文王亦秉德昭知天威乃惟是五人明文王之德

迪見冒聞于上帝惟時受有殷命哉。

傳言能明文王德昭行顯見覆冒下民彰聞上天惟是故受有殷之王命

武王惟茲四人尚迪有祿。

傳文王沒武王立惟此四人庶幾輔相武王蹈有天祿號叔先死故曰四人

後暨武王誕將天威咸劉厥敵。

傳言此四人後與武王皆殺其敵謂誅紂

惟茲四人昭武王惟冒不單稱德。

傳惟此四人明文王之德使布冒天下大盡舉行其德

今在予小子且君游大川予往暨浚夷其濟小子同未位誕無

我責

應我新還政今任重在我小子且不能同於四人若游大川我往與汝夷其共濟渡成王同於未位即政時汝大無非予我

留○軍  
去聲

收罔勗不及者造德不降我則鳴鳧不聞矧曰其有能格

傳今與汝留輔成王欲收教無自勉不及道義者立此化而老  
德不降意為之我周則鳴鳧不得聞况曰其有能格于皇天

采○考  
音荷

公曰嗚呼君肆其監于茲我受命無疆惟休亦大惟艱

傳以朝臣無能立功至天故其當視於此我周受命細窮惟美亦大惟艱難不可輕忽謂之易治

書經

卷六

周書君夷

五

永懷堂

告君乃猷祿我不以後人迷

傳吾君汝謀寬饒之道我留與汝輔王不用後人迷惑故欲教之

公曰前人敷乃心乃悉命汝作汝民極

傳前人文武布其乃心為法度乃悉以命汝矣為汝民之中正矣

曰汝明勗偶王在夏秉茲大命

傳汝以前人法度明勉配王在於誠信行此大命而已

惟文王德丕承無疆之極

傳惟文王聖德為之子孫無忝厥祖天承無窮之夏

公曰君告汝朕元

傳告汝以  
我之誠信

保爾其汝克敬以予監于殷喪大否。

傳呼其官而各之勅使能敬以我言  
視於殷喪亦大否言其大不可不戒

肆念我天威予不允惟若茲誥予惟曰棄我二人。

傳以殷喪大故當念我天德可畏言命無常我不  
信惟若此語我惟曰當內我文武之道而行之

汝有台哉言曰在時二人天休滋至惟時二人弗戡。

傳言汝行事動當有所合哉發言常在是文武則  
天美周家日益至矣惟是文武不勝受言多禱

其汝克敬德明我俊民在讓後人于至時。

傳其汝能敬行德明我賢人在  
禮讓則後代將於此道大且是

書經

卷六

周書君奭

六

永懷堂

嗚呼篤棗時二人我式克至于今日休。

傳言我厚輔是文武之道而行  
之我所能至于今日其政美

我咸成文王功于不怠丕冒海隅出日罔不率俾。

傳今我周家皆成文王功于不懈怠則德教  
大覆冒海隅日所出之地無不循化而使之

公曰君予不惠若茲多誥予惟用閔于天越民。

傳我不順若此多誥而已欲使汝念躬  
行之閔勉也我惟用勉於天道加於民

公曰嗚呼君惟乃知民德亦罔不能厥初惟其終。

傳惟汝所知民德亦無不能其初鮮能  
有終惟其終則惟君子戒召公以慎終

祇若茲往敬用治。







謂言小子明當受教訓  
胡仲各前其事而告之

惟爾率德改行克慎厥猷。

傳言汝循祖之德改父  
之行能慎其道載其賢

肆予命爾侯于東上往卽乃封破哉。

傳以汝率德改行之故故我命汝爲諸侯  
於東上往就汝所封之國當脩己以敬哉

爾尚蓋前人之愆惟忠惟孝。

謂汝當庶幾修德掩蓋前人之  
過于能蓋父所以爲惟忠惟孝

爾乃邁迹自身克勤無怠以垂憲乃後。

傳汝乃行善迹用汝身使可蹤跡而法循之能  
勤無懈怠以垂法子孫世世稱頌乃當我意

書經

卷七

周書蔡仲之八節

二

永懷堂

率乃祖文王之彝訓無若爾考之違王命。

傳言當循文武之常  
教以父違命爲世戒

皇天無親惟德是輔民心無常惟惠之懷。

傳天之於人無有親疎惟有德者則輔佑  
之民心於上無有常主惟愛己者則歸之

爲善不同同歸于治爲惡不同同歸于亂。

傳言人爲善爲惡各有百端未必  
正同而治亂則歸不殊宜慎其微

爾其戒哉慎厥初惟厥終終以不困不惟厥終終以困窮。

傳汝其戒治亂之機哉作事云爲  
必慎其初念其終則終用不困窮

懋乃攸績睦乃四鄰以蕃王室以和兄弟。

包勉汝所立之功親汝四鄰之國以恭屏王室以和協同姓之邦諸侯之道

康濟小民率自中無作聰明亂舊章

傳汝為政當安小民之居成小民之業偕用大中之道無敢為小聰明作異端以變亂舊典文章

許乃視聽罔以側言改厥度則予一人汝嘉

傳許審汝視聽非禮義勿視聽無以巧之言易其常變必斷之以義則我一人善汝矣

王曰嗚呼小子胡汝往哉無荒棄朕命

傳數而勅之欲其念戒小子胡汝往之國哉無廢棄我命欲其終身奉行後世之則

成王東伐淮夷遂踐奄傳成王帥政淮夷奄國又拔王親作成

王政傳為平淮夷從奄之政令亡

書經

卷七 周書蔡仲之命

三

永懷堂

成王既踐奄將遷其君於蒲姑傳已滅奄而徙其君及人臣之惡者於蒲姑蒲姑齊地近中國

教化之周公告召公作將蒲姑傳言將徙奄新立之君於蒲姑告召公使作冊書告令之亡

周書

多方第三十

成王歸自奄傳伐奄歸在宗周諾庶邦傳諾以禍福作多方

多方傳聚方天下諸侯

惟五月丁亥王來自奄至于宗周

傳周公歸政之明年淮夷奄又反率征淮夷作費誓王親征奄滅其國五月還至宗周○費音祕

周公曰猷告爾四國多方

四方稱周公以別王自告

惟爾殷侯尹民我惟大降爾命爾罔不知

傳殷之諸侯正民者我大降汝命謂誅紂也言天下無不知紂暴虐以取亡

洪惟圖天之命弗永寅念于祀惟帝降格于夏

傳大惟爲王謀天之命不長敬必于祭祀謂夏桀惟天下至戒於夏以譴告之謂災異○譴奔淺反

有夏誕厥逸不肯感言于民

傳有夏桀不畏天戒而大其逸豫不肯憂言於民無憂民之言

乃大淫昏不克終日勸于帝之迪

傳言桀乃大爲過昏之行不能終日勸於天之道

書經

卷七 周書多方

四

永懷堂

乃爾攸聞

傳言桀之惡乃汝所聞

厥圖帝之命不克開于民之麗

傳桀其謀天之命不能開於民所施政教羅施也言昏昧

乃大降罰崇亂有夏因甲于內亂

傳桀乃大下罰於民重亂有夏言殘虐於外不長民內不勸德因甲於二亂之內言盛其亂

不克靈承于旅罔不惟進之恭洪舒于民

傳言桀不能善奉於人衆無不惟進恭德而大舒情於治民

亦惟有夏之民吁憤日欽劓割夏邑

傳桀洪筭於民故亦惟有夏之民貪怨憤而逆命於是桀日尊敬其能剗削夏邑者謂殘賊臣

天惟時求民主乃大降顯休命于成湯

傳天惟是桀惡故更求民主以代之大下明美之命於成湯使王天下

刑殄有夏惟天不畀純

傳命湯刑絕有夏惟天不與桀亦已大

乃惟以爾多方之義民不克永于多享

傳天所以不與桀以其乃惟用汝多方之義民為臣而不能長久多享爾故

惟夏之恭多士大不克明保享于民

傳惟桀之所謂恭人眾士大不能明安享于民言亂主所任任同已者

書經

卷七

周書多方

五

永懷堂

乃胥惟虐于民至于百為大不克開

傳桀之眾士乃相與惟暴虐於民至於百端所為言虐非一大不能開民以善言與桀合志

乃惟成湯克以爾多方簡代夏作民主

傳乃惟成湯能用汝眾方之賢大代夏政為天下民主

慎厥心勸厥民刑用勸

傳湯慎其施政於民民乃勸善其人雖刑亦用勸善言政刑清

以至于帝乙罔不明德慎罰亦克用勸

傳言自湯至于帝乙皆能成其王道長輔相無不明有德慎去刑罰亦能用勸善

要囚殄戮多罪亦克用勸開釋無辜亦克用勸

傳帝乙已上安察凶情。惡戮眾罪亦能用勸善。善開放無罪之人必無枉。視亦能用勸善。

今至于爾辟。弗克以爾多方享天之命。

傳今至于汝君謂紂不用汝眾方享天之命故然滅之。

嗚呼。王若曰。誥告爾多方。非天庸釋有夏。

傳歎而順其事以告汝眾方非天用釋棄桀桀縱惡自棄故未放。

非天庸釋有殷。乃惟爾辟。以爾多方大淫圖天之命。屑有辭。

傳非天用棄有殷乃惟汝君對用汝眾方大為過惡者共謀天之命惡事盡有辭說布在天下故見誅滅也。

乃惟有夏圖厥政不集于享。天降時喪有邦間之。

傳更說桀也言桀謀其政不成于享故天下是喪亡以禍之使天下有國聖人代之言有國明皇天無親佑有德。

書經

卷七

周書多方

六

永懷堂

乃惟爾商後王。逸厥逸。

傳後王紂逆豫其過逸言縱恣無度。

圖厥政不蠲。罔天惟降時喪。

傳紂謀其政不潔進于善故天惟下其喪亡謂誅滅也。蠲吉玄反。

惟聖罔念作狂。惟狂克念作聖。

傳惟聖人無念於善則為狂人。惟狂人能念於善則為聖人。言桀紂非實狂。愚以不念善故滅亡。

天惟五年。須臾之子孫。誕作民主。罔可念聽。

傳天以湯故五年須臾湯之子孫與其改悔而紂大為民主。肆行無道事無可念言無可聽成王服喪三年還師二年。

天惟求爾多方。大勳以威。開厥顧天。

傳天惟求爾多方大勳以威開厥顧天。

傳天惟求汝衆方之賢者大動  
紂以威開其能顧天可以代者

惟爾多方罔堪顧之惟我周王靈承于旅

傳惟汝衆方之中無堪顧天之道者惟  
我周王善奉於衆言以仁政得人心

克堪用德惟典神天

傳言周文武能甚用德惟  
可以主神天之祀任天王

天惟式教我用休簡畀殷命尹爾多方

傳天以我用德之故惟用教我用美道俟  
殷犬與我殷之王命以正汝衆方之諸侯

今我曷敢多誥我惟大降爾四國民命

傳今我何敢多誥汝而已我惟天下  
四國民命謂誅管蔡商奄之君

書經

卷七 周書多方

七

永懷堂

爾曷不忱裕之于爾多方

傳汝何不以誠信行寬裕之道  
於汝衆方欲其戒四國崇和協

爾曷不夾介乂我周王享天之命

傳夾近也汝何不近大見治於我  
周王以享天之命而為不安乎

今爾尚宅爾宅畋爾田爾曷不惠王熙天之命

傳今汝殿之諸侯皆尚得居汝常居臣民皆向得畋  
汝故田汝何不順從王政廣天之命而自懷疑乎

爾乃迪屢不靜爾心未愛

傳汝所蹈行數為不  
安汝心未愛我周故

爾乃不大宅天命爾乃扇播天命

爾汝乃不大居安天命是汝乃盡播棄天命

爾乃自作不典圖忱于正

爾汝未愛我周播棄天命是汝乃自為不常謀信于正道

我惟時其教告之我惟時其戰要囚之

爾我惟汝如是不謀信于正道改其教告之謂誅以文詰其戰要囚之謂討其倡亂執其朋黨

至于再至于三

再謂三監淮夷叛時三謂成王即政又叛言逆屢不靜之事

乃有不用我降爾命我乃其大罰殛之

爾我教告戰要囚汝已至再三汝其不用我命我乃大下誅汝君乃其大罰誅之

書經

卷七

周書多方

八

永懷堂

非我有周秉德不康寧乃惟爾自速辜

非我有周執德不安寧自誅汝乃惟汝自召罪以取誅

王曰嗚呼猷告爾有方多士暨殷多士

爾王歎而以道告汝眾方與眾多士

今爾奔走臣我監五祀

爾監謂放周之三監此指謂所遷頑民殷眾士今汝奔走來徙臣我我監五年無過則是還本土

越惟有胥伯小大多正爾罔不克泉

爾於惟有相長事小大眾正官之人汝無不能用法欲其皆用法

自作不和爾惟和哉爾室不睦爾惟和哉爾邑克明爾惟克勤乃



事。

爾小大多正自為不和汝有方多士當和之哉汝親近室家不睦汝亦當和之哉汝邑中能明是汝惟能勤汝職事

爾尚不忘于凶德亦則以穆穆在乃位。

爾汝庶幾不自息入於凶德亦則用敬敬常在汝位

克聞于乃邑謀介爾乃自時洛邑尚永又畋爾田其田維天之

爾汝能使我聞具于汝邑而以汝所謀為大則汝乃用是洛邑蕪蕪長力畋汝田矣言離遷徙而以修善得反邑里

天惟畀矜爾我有周惟其大介賚爾。

爾汝其修善天惟其汝憐汝我有周惟其大賜汝言受多福之神衣爾則不其享其乃其曰

迪爾祖王庭尚爾事有服在大僚。

書經

卷七 周書多方

九

永懷堂

爾非但受憐賜又乃蹈大道在王庭寔幾修汝事有所服行在大官

王曰嗚呼多士爾不克勸忱我命爾亦則惟不克享凡民惟曰不

享。

爾王歎而言曰衆士汝不能勸信我命汝亦則惟不能享天祚矣凡民亦惟曰不享於汝祚矣

爾乃惟逸惟頗大遠王命則惟爾多方探天之威我則致天之罰

離逃爾土。

爾若爾乃為違穆順僻大棄王命則惟汝眾方取天之威我則致行天罰離遠汝土將遠徙之

王曰我不惟多詰我惟祇告爾命。

我不惟多詰汝而已我惟告汝吉凶之命

又曰時惟爾初不克敬于和則無我怨

傳又善汝是惟汝初不能敬于和道故誅汝汝無怨我解所以再三加誅之體

周書

立政第二十一

周公作立政

傳周公既致政成王恐其怠忽故以君臣立政為戒

立政

傳言用臣當共立政故以名篇

周公若曰拜手稽首告嗣天子王矣

傳順古道盡禮致敬告成王言嗣下厥今已為王矣不可不慎

用厥戒于王曰王左右常伯常任準人綴衣虎賁

書經

卷七

周書立政

十

永懷堂

傳周公用王所立政之事皆戒於王曰常所長事常所委任謂三公六卿準人平法謂士官綴衣掌衣服虎賁以武力事王皆左右近臣宜得其人

周公曰嗚呼休茲知恤鮮哉

傳歎此五者立政之本知憂得其人者少

古之人迪惟有夏乃有室大競籲俊尊上帝

傳古之人道惟有夏禹之時乃有卿大夫室家大強猶乃招呼賢俊與其專事上天

迪知忱恂于九德之行

傳禹之臣蹈知誠信於九德之德之行謂賢智大臣九德卑陶所謀

乃敢告教厥后曰拜手稽首后臬曰宅乃事宅乃牧宅乃進茲惟

后矣。

傳知九德之臣乃敢告教其君以立政君矣亦猶王矣宅居也居汝事六卿掌事者牧牧民九州之伯居内外之官及平法者皆得其人則此惟君矣。

謀面用丕訓德則乃宅人茲乃三宅無義民。

傳謀所面見之事無疑則能用大順德乃能居賢人于眾官若此則乃能三居無義民大罪宥之四裔次九州之外次中國之外。音又。

桀德惟乃弗作往任是惟暴德罔後。

傳桀之為德惟乃不為其先王之法往所委任是惟暴德之人故絕世無後。

亦越成湯陟丕釐上帝之耿命。

書經 卷七 周書立政

傳桀之昏亂亦於成湯之道得升大賜上天之光命王天下。

乃用三有宅克即宅曰三有俊克即俊

傳湯乃用三有居惡人之法能使就其居言服罪又曰能用剛柔正直三德之俊能就其俊事言明德。

嚴惟丕式克用三宅三俊。

傳言湯所以能嚴威惟可大法象者以能用三居三德之法。

其在商邑用恊于厥邑其在四方用丕式見德。

傳湯在商邑用三宅三俊之道和其邑其在四方用是大法見其聖德言遠近化。

嗚呼其在受德馨惟羞刑暴德之人同于厥邦。

傳受德紂字帝乙愛焉為作善字而反大惡自強惟進用刑與暴德之人同于其國並為威虐。

十一

永懷堂

乃惟庶習逸德之人。同于厥政。

傳乃惟眾習為過德之人。同于其政。言不任賢。

帝欽罰之。乃伴我有夏。式商受命。奄旬萬姓。

傳天以紂惡故敬罰之。乃使我周家王有華夏得用商。所受天命同洽萬姓。言皇天無親。佑有德。○伴音辨反。

亦越文王武王。克知三有宅心。灼見三有俊心。

傳紂之不善。亦於文武之道。大行以能知。三有居惡人之心。灼然見三有賢俊之心。

以敬事上帝。立民長伯。

傳言文武知三宅三俊。故能以敬事上帝。立民正長。謂郊祀天。建諸侯。

立政。任人。準夫。牧。作三事。

書經

卷七

周書立政

七

永懷堂

傳文武亦法禹湯以立政。常任準人及牧。治為天地人之三事。

虎賁。綴衣。趣馬。小尹。

傳趣馬。掌馬之官。言此三者。雖小官。長必慎。擇其人。

左右攜僕。百司庶府。

傳雖左右攜持器物之僕。及百官有司。主券契藏吏。亦皆擇人。○券音勸。

大都小伯。藝人。表臣百司。

傳小臣猶皆慎。擇其人。況大都邑之小長。以道藝為表幹之臣。及百官有司之職。可以非其任乎。

太史尹。伯。庶常。吉士。

傳太史下大夫。掌邦六典之貳。尹伯長。官大夫。及眾掌常事之。士皆得其人。

司徒司馬司空亞旅

傳此有三卿及次卿衆大夫則是文武末代紂特舉文武之初以為法則

真微盧盧三毫阪尹

傳蠻夷微盧之衆帥及亳人之歸文王者三所為之立監及阪地之尹長皆用賢阪音反

文王惟克厥宅心乃克立茲常事司牧人以克俊有德

傳文王惟其能居心遠惡舉善乃能

文王無所兼知於毀譽衆言及衆刑獄衆當所慎

傳文王無所兼知於毀譽衆言及衆刑獄衆當所慎之事惟慎擇有司牧夫而已勞于求才逸於任賢

是訓用遠庶獄庶慎文王罔敢知于茲

書經

卷七

周書立政

十三

承懷堂

傳是萬民順法用違法衆獄衆慎之事文王一無敢自知於此委任賢能而已

亦越武王率惟攸功不敢替厥義德

傳亦於武王循惟文王撫安天下之力不敢廢其義德奉遵天道

率惟謀從容德以並受此丕丕基

傳武王循惟謀從文王寬容之德故君臣並受此大大之基業傳之子孫

嗚呼孺子王矣

傳歎稚子今已為王矣不可不勤法祖考之德

繼自今我其立政立事準人牧夫我其克灼知厥若丕乃俾亂

傳繼用今已往我其立政大臣立事小臣及準人牧夫我其能灼然知其順者則大乃使治之言知臣下之勤勞然後莫不盡

相我愛民和我庶獄庶慎時則勿有間之。

傳能治我所受天民和平我眾獄眾慎之事如是則勿有以代之言不可復變

自一話一言我則末惟成德之彥以又我愛民。

傳言政當用一善善在一言而已欲其口無擇言如此我則終惟有成德之美以治我所受之民

嗚呼予且已受人之徽言感告孺子王矣。

傳歎所受賢聖說禹湯之美言皆以告稚子王矣

繼自今文子文孫其勿諛于庶獄庶慎惟正是又之。

傳文子文孫文王之子孫從今已往惟以正是之道治眾獄眾慎其勿誤

書經

卷七

周書立政

十四

永懷堂

自古商人亦越我周文王立政立事牧夫隼人則克宅之克由繹之茲乃俾乂。

傳言用古商湯亦於我周文王立政立事用賢人之法能居之於心能用陳之此乃使天下治

國斯罔有立政用儉人不訓于德是罔顯在厥世。

傳尚周賢聖之國則無有立政用儉利之人者儉人不順於德是使其君無顯名在其世

繼自今立政其勿以儉人其惟吉士用勩相我國家。

傳立政之臣惟其吉士用勉治我國家

今文子文孫孺子王矣。

傳言文王之子孫言稚子已即政為王矣所以厚服

其勿諛于庶獄，惟有司之牧矣。

傳獨言眾獄有司，欲其重刑慎官人。

其克詰爾戎兵，以陟禹之迹。

傳其當能治汝戎服兵器，威懷並設，以升禹治水之舊迹。

方行天下，至于海表，罔有不服。

傳方，四方；海表，蠻夷；戎狄無不服化者。

以覲文王之耿光，以揚武王之丕烈。

傳能使四夷賓服，所以見祖之光明，揚文之大業。

嗚呼！繼自今後，王立政，其惟克用常。

書

卷七

周書立政

五

永懷堂

傳其惟能用賢才為常，人不可以天官有所私。

周公若曰：太史。

傳順其事，并告太史。

司寇蘇公，式敬爾由獄，以長我王國。

傳念生為武王司寇，封蘇國，能用法敬汝所用之獄，以長施行於我王國，言主獄當求蘇公之比。

茲式有慎，以列用中罰。

傳此法有所慎行，必以其列固中罰，不輕不重，蘇公所行太史掌六典有廢置官人之制，故告之。

書經卷十七終

皇經卷十八

漢 諫大夫魯孔安國傳

周書

周官第二十二

成王既黜殷命滅淮夷

傳黜殷在周公東征時滅淮夷在成王即政後事相因故連言之

還歸

在豐作周官

傳成王雖作洛邑猶還西周

周官

傳言周家設官分職用人之法

惟周王撫萬邦巡侯甸

傳即政撫萬國巡行天下侯服甸服

書經

卷六

周書周官

四征弗庭綏厥兆民

傳四面征討諸侯之直者所以安其兆民十億曰兆言冬

八服羣辟罔不承德歸于宗周董正治官

傳六服諸侯奉承周德言協服還歸於豐督正治理職司之百官

王曰若昔大猷制治于未亂保邦于未危

傳言當順古大道制治安國必于未亂未危之前思患預防之

曰唐虞稽古建官惟百內有百揆四岳外有州牧侯伯

傳道堯舜考古以建百官內置百揆四岳象天之有五行外置州牧十二及五國之長上下相維外內咸治言有治

庶政惟和萬國咸寧

永懷堂



傳官職有序故眾政惟利萬國皆安所以爲正治

### 夏商官倍亦克用乂。

傳禹湯建官二百亦能用治言不及唐虞之清要

### 明王立政不惟其官惟其人。

傳言聖帝明王立政修教不惟多其官惟在得其人

### 令予小子祇勤于德夙夜不逮。

傳今我小子敬勤於德雖夙夜匪懈不能及古人言自有極

### 仰惟前代時若訓迪厥官。

傳言仰惟先代之法是順訓蹈其所建官而則之不敢自同堯舜之官準擬夏殷而蹈之

### 官經

### 卷六

周書周官

永懷堂

### 一太師太傅太保茲惟三公論道經邦燮理陰陽。

傳師天子所師法傳傳且天子保保安天子於德義者此惟三公之任在王論道以經緯國事和理陰陽言有德乃堪之○燮

素協反

### 巨不必備惟其人。

傳三公之官不必備員惟其人有德乃處之

### 少師少傅少保曰三孤。

傳此三官各曰三孤孤特也言卑於公尊於卿特置此三者

### 貳公弘化寅亮天地弼予一人。

傳副貳三公弘大道化敬信天地之教以輔我一人之治

冢宰掌邦治統百官均四海

傳天官卿稱太宰主國政治統理百官均平四海之內邦國言任大

司徒掌邦教敷五典擾兆民

傳地官卿司徒主國教化布五常之教以安和天下衆民使小大皆協睦

宗伯掌邦禮治神人和上下

傳春官卿宗廟官長主國禮治天地神祇人鬼之事及國之吉凶賓軍嘉五禮以和上下尊卑等列

司馬掌邦政統六師平邦國

傳夏官卿主戎馬之事掌國征伐統正六軍平治王邦四方國之亂者

司寇掌邦禁詰姦慝刑暴亂

書經

卷六

周書周官

傳秋官卿主寇賊法禁治姦惡刑強暴作亂者夏司馬討惡助長物秋司寇刑姦順時殺

司空掌邦土居四民時地利

傳冬官卿主國空土以居民士農工商四人使順天時分地利授之土能吐生百穀故曰土

六卿分職各率其屬以倡九牧阜成兆民

傳六卿各率其屬官大夫士治其所分之職以倡道九州牧伯爲政大成兆民之性命皆能其官則政治○阜音負

六年五服一朝

傳五服侯甸男采衛六年一朝會京師

又六年王乃時巡考制度于四岳

傳周制十二年一巡守春東夏南秋西冬北故曰時巡考正制度禮法于四岳之下如虞帝巡守然

諸侯各朝于方岳。大明黜陟。

傳觀四方諸侯各朝于方岳之下。大明考績黜陟之法。

王曰。嗚呼。凡我有官君子。欽乃攸司。慎乃出令。令出惟行。弗惟反。

傳有官君子。大夫以上。歎而戒之。使敬汝所司。慎汝出令。從政之本。令出必惟行之。不惟反。改若二三其令。亂之道。

以公滅私。民其允懷。

傳從政以公平滅私情。則民其信歸之。

學古入官。議事以制。政乃不迷。

傳言當先學古訓。然後入官治政。凡制事。必以古義議度。終始政乃不迷。錯。

其爾典常作之師。無以利口亂厥官。

書經

卷六

周書周官

四

永懷堂

傳其汝為政。當以儀典常故事為師法。無以利口辯佞亂其官。

蓄疑敗謀。怠忽荒政。不學牆面。莅事惟煩。

傳積疑不決。必敗其謀。怠惰忽略。必亂其政。不學。不學其猶正牆面而立。臨政事必煩。

戒爾貽士。功崇惟志。業廣惟勤。惟克果斷。乃罔後艱。

傳此戒。凡有官位。但言卿士。舉其掌事者。功高由志。業廣由勤。惟能果斷行事。乃無後難。言多疑必致患。

位不期驕祿。不期侈。

傳貴不與驕期。而驕自至。富不與侈期。而侈自來。驕侈以行。已所以速亡。

恭儉惟德。無載爾偽。

傳言當恭儉。惟以立德。無行姦偽。

作德心逸日休。作偽心勞日拙。

傳為德直道而行於心逸豫而名且美為偽師巧百端於心勞苦而事日拙不可為

居寵思危罔不惟畏弗畏入畏。

傳言雖居貴寵當思危懼無所不畏若乃不畏則入可畏之刑

推賢讓能庶官乃和不和政廢。

傳賢能相讓俊又在官所以和諧廢亂也

舉能其官惟爾之能稱匪其人惟爾不任

傳所舉能修其官惟亦汝之功能舉非其人亦惟汝之不勝其任

王曰嗚呼三事暨大夫敬爾有官亂爾有政。

書經

卷之六 周書周官

五

永懷營

傳歎而勅之公卿已下各敬君汝所有之官治汝所有之職

以佑乃辟永康兆民萬邦惟無斁

傳言當敬治官政以助汝君長安天下兆民則天下萬國惟乃無厭我周德

成王既伐東夷肅慎來賀

傳海東諸夷駟麗扶餘駟貊之屬王克商皆通道焉成王即政而叛王伐而服之故王俾榮伯作賄肅慎之命傳榮國名同姓諸侯為卿大夫王使之為命書

傳以幣賄賜肅慎

周公在豐

傳致政老歸將沒欲葬成周傳已所營作示終始念之公薨成王葬于

畢傳不政臣周公故告周公作臺始傳周公從奄君於臺始因

君已定臺始言所遷之

周書

君陳第二十三

周公既没命君陳分正東郊成周傳成王重周公所營故命君陳分居正東郊成周之邑

司作君陳傳作書命之

君陳傳臣名也因以名篇

王若曰君陳惟爾令德孝恭

傳言其有令德善事父母行己以恭

惟孝友于兄弟克施有政

傳言善父母者必友于兄弟能施有政令

書經

卷六 周書君陳

六

永懷堂

命汝尹茲東郊敬哉

傳正此東郊監殷頑民教訓之

昔周公師保萬民民懷其德往慎乃司茲率厥常

傳言周公師安天下之民民歸其德今往承其業當慎汝所主此循其常法而教訓之

懋昭周公之訓惟民其父

傳勉明周公之教惟民其治

我聞曰至治馨香感于神明黍稷非馨明德惟馨

傳所聞之古聖賢之言政治之至者芬芳馨氣動於神明所謂芬芳非黍稷之氣乃明德之馨感之以德

爾尚式時周公之猷訓惟日孜孜無敢遲豫

殷民在辟。予曰辟爾惟勿辟。予曰宥爾惟勿宥。惟厥中。

此言凡人有初無終。求見聖道。如不能得。見已見聖道。而不能。用之。所以無成。

爾其戒哉。爾惟風。下民惟草。

爾汝戒勿為。凡人之行。民從上教。而變。猶草應風。而偃。不可不慎。

圖厥政。莫或不艱。有廢有興。出入自爾師。虞庶言同。則繹。

圖謀其政。無有不先慮其難。有所廢有所起。出納之事。當用汝眾言度之。眾言同。則陳而布之。禁其專。

爾有嘉謀嘉猷。則入告爾后于內。爾乃順之于外。

爾汝有善謀善道。則入告汝君於內。汝乃順行之於外。

書經

卷六

周書君陳

七

永懷堂

曰斯謀斯猷。惟我后之德。

爾此善謀此善道。惟我君之德。善則稱君。人臣之義。

嗚呼。臣人咸若。時惟良顯哉。

爾歎而美之。曰。臣於人者。皆順此道。是惟良臣。則君顯明於世。

王曰。君陳。爾惟弘周公丕訓。無依勢作威。無倚法以削。

爾汝為政。當闡大周公之大訓。無乘勢位作威。人上無倚法制。以行刻削之政。

寬而有制。從容以和。

爾寬不失制。動不失和。德教之治。

殷民在辟。予曰辟爾惟勿辟。予曰宥爾惟勿宥。惟厥中。

傳殷人有罪在刑法者我曰刑之汝勿刑我  
曰赦宥汝勿宥惟其當以中正平理斷之

有弗若于汝政弗化于汝訓辟以止辟乃辟

傳有不順於汝政不變於汝教  
刑之而懲止犯刑者乃刑之

狃于茲究敗常亂俗三細不宥

傳習於茲究凶惡毀敗五常之道以亂風俗之  
教罪雖小三犯不赦所以絕惡源○狃女九反

爾無忿疾于頑無求備于一夫

傳人有頑器不諭汝當訓之無忿怒  
疾之使人當器之無責備于一夫

必有忍其乃有濟有容德乃大

傳為人君長必有所含忍其乃有所成  
有所包容德乃為大欲其忍恥藏垢

書經 卷八 周書君陳

簡厥修亦簡其或不修

傳簡別其德行修者亦別其有  
不修者善以勸能惡以沮否

進厥良以率其或不良

傳進顯其賢良者以率  
勉其有不良者使為善

惟民生厚因物有遷

傳言人自然之性敦厚因所見所習  
之物有遷變之道故必慎所以示之

王所命從厥攸好

傳人之於上不從其令從其  
所好故人主不可不慎所好

克敬典在德時乃罔不變死升于大猷

傳汝治人能敬常在道德是乃無不變化其收教則信升于大道

惟予一人膺受多福

傳汝能升大道則惟我一人亦當受其多福無凶危

其雨之休終有辭於永世

傳非但我受多福而以其汝之美名亦終見稱誦於長世言沒而不朽

周書

顧命第三十四

成王將崩命召公畢公

傳二公為二伯中分天下而治之

率諸侯相康王作顧

命傳臨終之命曰顧命

書經

卷之九 周書顧命

九

永懷

顧命傳實命羣臣倣以要言

惟四月哉生魄王不懌

傳成王崩年之四月始生魄月十六日王有疾故不悅擇

甲子王乃洮頰水相被冕服憑玉几

傳王大發大命臨羣臣必齋戒沐浴今疾病故但洮盥頰面扶相者祇以冠冕加朝服憑玉几以出命顧者悔說文作沫

乃同召太保奭芮伯彤伯畢公衛侯毛公

傳同召六卿下至御治事太保畢毛稱公則三公矣此先後六卿次第冢宰第一召公領之司徒第二芮伯為之宗伯第三彤伯為之司馬第四畢公領之司寇第五衛侯為之司空第六毛公領之召芮彤畢衛毛皆國各入為天子公卿

師氏虎臣百尹御事



傳師氏大夫官虎臣虎賁氏百尹百官之長及諸御治事者

王曰嗚呼疾大漸惟幾

傳自嘆其疾大進篤惟危殆

病日臻既彌留恐不獲誓言嗣茲予審訓命汝

傳病日至言困甚已久留言無疹恐不得結信出言嗣續我志以此故我詳審教命汝

昔君文王武王宣重光奠麗陳教則肄

傳言昔先君文武布其重光累聖之德定天命施陳教則勤勞

肄不遠用克達殷集大命

傳文武定命陳教雖勞而不違道故能通殷為周成其大命

書經

卷之十 尚書 顧命

十

永懷堂

在後之侗敬迓天威嗣守文武大訓無敢昏逾

傳在文武後之侗雅成王自斥敬迎天之威命言奉順繼守文武大教無敢昏亂逾越言戰慄畏懼

今天降疾殆弗與弗悟爾尚明時朕言

傳今天下疾我身甚危殆不起不悟言必死汝當庶幾明是我言勿忽略

用敬保元子釗弘濟于艱難

傳用奉我言敬安太子釗釗康王各大度於艱難勸德政

柔遠能邇安勸小大庶邦

傳言當和遠又能和近安小大眾國勸使為善

思夫人自亂于威儀爾無以釗冒貢于非幾

傳羣臣皆宜思夫人夫人自治正於威儀有威可畏有儀可象然後足以率人汝無以劍冒進于非危之事

茲既受命還。

傳此羣臣已受賜命各還本位

出綬衣于庭越翼日乙丑王崩

傳綬衣幄帳羣臣既退徹出幄帳於庭王寢於北墉下東首反初生於其明自王崩

太保命仲桓南宮毛

傳冢宰攝政故命二臣桓毛各

俾爰齊侯呂伋以二干戈虎賁百人逸子釗於南門之外

傳臣子皆侍左右將正太子之尊故出於路寢門外使桓毛二臣各執干戈於齊侯呂伋索虎賁百人更新逆門外所以殊之

書經

卷六

周書顧命

十一

永懷堂

傳為天子虎賁氏

延入翼室恤宅宗

傳明室路寢延之使君夏為天下宗主

丁卯命作冊度

傳三日命史為冊書法度傳顧命於康王

越七日癸酉伯相命士須材

傳拜伯為相則召公於丁卯七日癸酉召公命士致材木須待以供喪用

狄設備衣綬衣

傳狄下士虞屏風畫粉條或置於床或掛於屏風下畏音戶端間虞設屏帳象平生所為

牖間南嚮敷重篋席。黼純華玉仍几。

傳篋桃枝竹白黑雜緇緣之華采色華玉以飾几仍因也。因生時几不改作此見羣臣覲諸侯之坐。

西序東嚮敷重底席。綵純文貝仍几。

傳東西廂謂之序。底弱革綴雜彩有文之具。飾几此且夕聽事之坐。○弱音弱革音平。

東序西嚮敷重豐席。畫純雕玉仍几。

傳豐畫彩色為畫雕刻鏤此餐。國老饗羣臣之坐。○鏤來豆反。

西序南嚮敷重荀席。玄紛純漆仍几。

傳西廂夾室之前荀弱竹玄紛黑。綵此親屬私宴之坐。故席几質飾。

越王五重陳寶。

書經

卷大 周書顧命

三

永懷堂

傳於東西序坐北列玉五重又陳先王所寶之器物。

赤刀大訓弘璧琬琰在西序。

傳賣刀赤刀削大訓虞書典。漢大璧琬琰之珪為二重。

大玉夷玉天球河圖在東序。

傳三玉為三重夷常也。球雍州所貢河圖八卦伏羲王天下。馬出河遂則其文以畫八卦謂之河圖及典謨皆歷代傳寶之。

盾之舞衣大貝鼗鼓在西房。

傳盾國所為舞者衣皆中法大貝如車渠。鼗鼓長八尺商周傳寶之。西房西夾坐東。

兌之戈和之弓垂之竹矢在東房。

傳兌和古之巧人垂舜共工所為皆中法故亦傳寶之。東房東廂夾室。

大輅在賓階而綴輅在阼階面

傳大輅王綴輅金面前皆南向

先輅在左塾之前次輅在右塾之前

傳先輅象次輅亦金玉象皆以飾車水則無飾皆在路寢門內左右塾前北面凡所陳列皆象成王生時華國之事所以重傾

命○塾首執

二人雀弁執惠立于畢門之內

傳士衛殯與在廟同故雀韋弁惠三隅矛路寢門一名畢門

四人綦弁執戈上刃夾兩階祀

傳綦文鹿子皮弁亦上堂廉曰祀土所立處

書經

卷六

周書顧命

七

永懷堂

一人冕執劉立于東堂一人冕執鉞立于西堂

傳冕皆大夫也劉鉞屬立於東西廂之前堂

一人冕執殳立于東垂一人冕執瞿立于西垂

傳殳瞿皆戟屬立于東西下之階上○殳音達

一人冕執銳立于側階

傳銳矛屬也側階階下立階上

王麻冕黼裳由賓階降

傳王及羣臣皆去服用西階升不敢當主

邦君麻冕黼裳入即位

禮公卿大夫及諸侯皆同服亦廟中之禮蟻裳名色玄

太保太史太宗皆麻冕彤裳

禮執事各異裳彤纁也太宗上宗即宗伯也

太保承介圭上宗奉同瑁由作階階

禮大圭尺二寸天子守之故奉以奠康王所位同爵各瑁所以冒諸侯圭以齊稻信方四寸邪刻之用作階升由便不嫌

太史秉書由賓階階御王冊命

禮太史持冊書顛命進康王設同階

曰皇后憑玉几道揚末命命汝嗣訓

禮冊命之辭大君成王言憑玉几所道稱揚終命所以感動康王命汝繼嗣其道言任重因以託戒

書經

卷六 周書顧命

十四

永懷堂

臨君周邦率循大卜

禮用是道臨君周國率羣臣循大法

變和天下用答揚文武之光訓

禮言用和道和天下用對揚聖祖文武之大發敘成王意

王再拜興答曰眇眇子末小子其能而亂四方以敬忌天威

禮言微微我淺末小子其能如父祖治四方以敬忌天威德乎謙辭託不能○眇彌小反

乃受同瑁王三宿三祭三咤

禮王受瑁為圭受同以祭禮成於三故酌者實三爵於王王三進爵三祭酒三奠爵告已受羣臣所傳顧命○咤陟嫁反又音

音託

上宗曰饗

傳祭必受福讚  
王曰饗福酒

太保受同降

傳受王所饗同  
下室反於籠

盥以異同秉璋以酌

傳太保以盥手洗異同實酒秉璋以酌祭半  
王曰饗臣所奉王已祭太保又必執祭曰酢

授宗人同拜王答拜

傳宗人小宗伯佐太宗者太宗供王宗人供太保  
拜日已傳顧命故授宗人同拜王答拜會所受命

太保受同祭噉

誓經

卷六 周書顧命

傳太宗既拜而祭既祭受福齊至齒則王亦  
至齒王言饗太保言饗互相備○噉才細反

宅授宗人同拜王答拜

傳太保居其所授宗人同拜自  
成王以事畢王答拜敬所自

太保降收

傳太保下堂則王亦可  
知有司於此盡收徹

諸侯出廟門俟

傳言諸侯則卿士已下亦可  
知殯之所處故曰廟待王後命

書經卷十八 終

五

永懷堂

書經卷十九

漢 諫大夫魯孔安國傳

周書

康王之誥第二十五

康王既尸天子

傳尸主也天子之正號

遂誥諸侯作康王之誥傳既受誥命羣臣陳

戒遂報誥之

康王之誥傳求諸侯之見巨弼

王出在應門之內

傳出畢門立應門內之中庭南面

書經

卷九

周書康王之誥

一

永懷堂

太保率西方諸侯入應門左畢公率東方諸侯入應門右

傳二公為二伯各率其所掌諸侯隨其方為位皆北面

皆布乘黃朱

傳諸侯皆陳四黃馬朱鬣以為庭實

賓稱奉圭兼幣曰一二臣衛敢執壤奠傳命羣臣

傳賓諸侯也舉奉圭兼幣之辭言一二見非一也為蕃衛故曰臣衛來朝而遇國喪遂因見新王敢執壤地所出而奠贊也

皆再拜稽首王義嗣德答拜

傳諸侯拜送幣而首至地盡禮也康王以義繼先人明德答其拜受其幣

太保暨芮伯咸進相揖皆再拜稽首

傳冢宰與司徒皆其羣臣諸侯並進陳戒不言諸侯以內見外

曰敢敬告天子皇天改大邦殷之命

傳大天改大國殷之王命謂誅紂也

惟周文武誕受美若克恤西土

傳言文武大受天道而順之能憂我西土之民本其所起○後年久反

惟新陟王畢協賞罰戡定厥功用敷遺後人休

傳惟周家新升王位當盡和天下賞罰能定其功用布遺後人之美言施及子孫無窮○戡音堪遺唯季反註同施以政反

今王敬之哉

傳敬天道務崇先人之美

書經

卷九

周書康王之誥

二

永懷堂

張皇六師無壞我高祖寡命

傳言苗張大六師之衆無壞我高德之祖寡有之教命

王若曰庶邦侯甸男衛

傳順其戒而告之不言羣臣以外見內

惟予一人釗報誥

傳報其戒

昔君文武丕平富不務咎

傳言先君文武道大政化平美不務咎惡

底至齊信用昭明于天下



傳致行至中信之道用  
顯明于天下言聖德洽

則亦有熊羆之士不二心之臣保乂王家

傳言文武既聖則亦有勇猛如熊羆之士忠一不二心之臣其安治王家

用端命于上帝皇天用訓厥道付畀四方

傳君聖臣良用受端直之命於上天大天用順其道付與四方之國王天下

乃命建侯樹屏在我後之

傳言文武乃施政令立諸侯樹以為漆屏傳王業在我後之人謂子孫

今予一二伯父尚胥暨顧綏爾先公之臣服于先王

傳天子稱同姓諸侯曰伯父言今我一二伯父庶幾相與顧念文武之道安汝先公之臣服於先王而法循之

書經 卷九 周書康王之誥

雖爾身在外乃心罔不在王室

傳言雖汝身在外之為諸侯汝心常當忠篤無不在王室熊羆之士勵朝臣此督諸侯

用奉恤厥若無遺鞠子羞

傳當各用心奉憂其所行順道無自荒怠遺我稚子之羞辱稚子康王自謂也

羣公既皆聽命相揖趨出

傳王聽神命趨出罷退羣公皆聽命相揖趨出

王趨冕反喪服

傳脫去黼冕反服喪服居倚廬

周書

三 永懷堂

畢命第二十六

康王命作冊畢傳命為冊書以命畢公分居里成周郊傳分別民之居里異其善惡成定東

周郊境使有保護作畢命

畢命傳言畢公見命之書

惟十有二年六月庚午册

傳康王即位十二年六月三日庚午

越三日壬申王朝步自宗周至于豐

傳於册三日壬申王朝行自宗周一至于豐宗周鎬京豐文王所都

以成周之眾命畢公保釐東郊

書經

卷九

周書畢命

四

永懷堂

傳用成周之民家命畢公使安理治正成周東郊令得所

王若曰嗚呼父師惟文王武王敷大德于天下用克受殷命

傳王順其事歎告畢公代周公為太師為東伯命之代君陳言文武布大德於天下故天佑之用能受殷王之命

惟周公左右先王綏定厥家

傳言周公助先王安定其家

咨殷頑民遷于洛邑密邇王室式化厥訓

傳惟殷頑民恐其叛亂故徙於洛邑密近王室用化其教

既歷三紀世變風移四方無虞予一人以寧

傳言殷民遷周已歷三紀世代民易頑者漸化四方無可虞之事我天子用安矣十二年曰紀父子曰世

道有升降。政由俗革。不臧厥臧。民罔攸勸。

傳天道有上下交接之義。政教有用俗改更之理。民之俗善以善養之。俗有不善以法御之。若乃不善其善則民無所勸慕。

惟公懋德克勤。小物弼亮。四世正色。率下罔不祇師言。

傳言公勉行德能勤小物輔佐文武成康四世為公卿正色率下下人無不敬仰師法。

嘉績多乎先王子小子垂拱仰成。

傳公之善功多大先人之美我小子為王垂拱仰公成理言其上頌父兄下施子孫。

王曰嗚呼。父師。今予祇命公以周公之事。往哉。

傳今我敬命公以周公所為之事往為之。哉言非周公所為不敢任公往治。

旌別淑慝。表厥宅里。彰善癉惡。樹之風聲。

書經 卷九 周書畢命

傳言當識別頑民之善惡表異其居里明其為善病其為惡立其善風揚其善聲。

弗率訓典。殊厥井疆。俾克畏慕。

傳其不循教道之常則殊其井居田界使能畏為惡之禍慕為善之福所以沮勸。

申畫郊圻。慎固封守。以康四海。

傳郊圻雖舊所規畫當重分明之又當謹慎堅固封疆之守備以安四海京圻安則四海安矣。

政貴有恆。辭尚體要。不惟好異。

傳政以仁義為常辭以理實為要故貴尚之若異於先王君子所不好。

尚俗靡麗。利正純賢。餘風未殄。公其念哉。

傳利以靡麗為正惟賢覆亡國家公其念之。

我聞曰。世祿之家。鮮克由禮。以蕩凌德。實悖天道。

傳特言我聞自古有之。世有祿位而無禮教。少不以放蕩陵邈有德者如此。實亂天道。

敝化奢麗。萬世同流。

傳言敝俗相化。車服奢麗。雖相去萬世若同一流。

茲殷庶士。席寵惟舊。怙侈滅義。服美于人。

傳此殷衆士居寵日久。怙恃奢侈。以滅德義。服飾過制。美於其民。言僭上。

驕淫矜侈。將由惡終。雖收放心。閉之惟艱。

傳言殷衆士驕恣過制。矜其所能。以自侈大。如此不變。將用惡自終。雖今順從周制。心未厭服。以禮閉禦其心。惟艱。侈音苦。

書經

卷五

周書畢命

六

永懷堂

資富能訓。惟以永年。惟德惟義。時乃大訓。不由古訓。于何其訓。

傳以資富而能順義。則惟可以長年命矣。惟有德義。乃大順。若不用古訓典籍。於何其能順乎。

王曰。嗚呼。父師。邦之安危。惟茲殷士。不剛不柔。厥德允修。

傳言邦國所以安危。惟在和此殷士而已。治之不剛不柔。寬猛相濟。則其德政信修立。

惟周公克慎厥始。惟君陳克和厥中。惟公克成厥終。

傳周公遷殷頑民。以消亂階。能慎其始。君陳弘周公之訓。能和其中。畢公闢二公之烈。能成其終。

三后協心。同底于道。道洽政治。澤潤生民。

傳三君合心。為一終始。相成同致。于道道至。普洽政治。治理其德澤。惠施乃浸潤。生民言三君之功。不可不尚。

四夷左衽。罔不成賴。子小子承。膺多福。

傳言東夷西戎南蠻北狄被髮左衽之人無不皆恃賴三君之德我小子亦長受其多福

公其惟時成周建無窮之基亦有無窮之聞

傳公其惟以是成周之治為周家立無窮之基業於公亦有無窮之名以聞於後世

子孫訓其成式惟乂

傳言後世子孫順公之成法惟以治

嗚呼罔曰弗克惟既厥心

傳人之為政無曰不能惟在盡其心而已

罔曰民寡惟慎厥事

傳無曰人少不足治也惟在慎其政事無敢輕之

書經 卷九 周書畢命

欽若先王成烈以休于前政

傳敬順文武成業以美於前人之政所以勉畢公

周書

君牙第二十七

穆王命君牙為周大司徒傳穆王康王孫昭王子作君牙傳君牙臣名

君牙傳命以其名遂以名篇

王若曰嗚呼君牙

傳順其事而歎稱其名而命之

惟乃祖乃父世篤忠貞服勞王家厥有成績紀于太常

傳言汝父祖世厚忠貞服事勤勞王家其有成功見紀錄書于王之太常以表顯之王之旌旗畫日月曰太常

惟予小子嗣守文武成康遺緒亦惟先正之臣克左右亂四方

傳惟我小子繼守先王遺業亦惟父祖之臣能佐助我治四方言已無所能

心之憂危若蹈虎尾涉于春冰

傳言祖業之大巴才之弱故心懷危懼虎尾畏噬春冰畏陷危懼之甚

今命爾子翼作股肱心膂

傳今命汝為我輔翼股肱心體之臣言委任○膂音旅

纘乃舊服無忝祖考弘敷五典式和民則

傳繼汝先祖故所服忠勤無辱累祖之道大布五常之教用和民令有法則

書經

卷九

周書君牙

八

永懷堂

爾身克正罔敢弗正民心罔中惟爾之中

傳言汝身能正則下無敢不正民心無中從汝取中必當正身示民以中証

夏暑雨小民惟曰怨咨

傳夏月暑雨天之常道小人惟曰怨歎咨嗟言心無中也

冬祁寒小民亦惟曰怨咨

傳冬大寒亦天之常道民猶怨咨

厥惟艱哉思其艱以圖其易民乃寧

傳天不可怨民猶怨嗟治民其惟難哉當思慮其難以謀其易民乃寧

嗚呼不顯哉文王謨

傳歎文王所謀大顯明

丕承哉武王烈

傳言武王業美大可承奉

啓佑我後人咸以正罔缺

傳文武之謀業大明可承奉開助我後嗣皆以正道無邪缺

爾惟敬明乃訓用奉若于先王

傳汝惟當敬明汝五教用奉順於先王之道

對揚文武之光命追配于前人

傳言當答揚文武光明之命君臣各追配於前令各之人

書經

卷九

周書君牙

九

永懷堂

王若曰君牙乃惟由先王舊典時式民之治亂在茲

傳汝惟當奉用先正之臣所行故事舊典文籍是法民之治亂在此而已用之則民治廢之則民亂

率乃祖考之攸行昭乃辟之有乂

傳言當循汝父祖之所行明汝君之有治功

周書

罔命第二十八

穆王命伯冏爲周太僕正

傳伯冏臣名也太僕長太御中大夫○冏九承反字亦作罔

作罔

命

罔命

傳以罔見命各篇

王若曰。伯冏。惟子弗克于德。嗣先人宅丕后。

德順其事以命伯冏言我不能於道德繼先人居大君之位人輕任重

忱惕惟厲。中夜以興。思免厥愆。

言常悚懼惟危夜半以起思所以免其過愆

昔在文武聰明齊聖。小大之臣咸懷忠良。

傳聰明視聽遠齊通無滯礙臣雖官有尊卑無不忠良○礙五代反

其侍御僕從罔匪正人。

傳雖給侍進御僕役從官官雖微無不用中正之人

以旦夕承弼厥辟。出入起居罔有不欽。

書經

卷九 周書冏命

十

永懷堂

傳小臣皆良僕役皆正以旦夕承輔其君故君出入起居無有不敬

發號施令罔有不臧。下民祇若。萬邦咸休。

傳言文武發號施令無有不善下民敬順其命萬國皆美其化

惟予一人無良實賴左右前後有位之士匡其不及。

傳惟我一人無善實恃左右前後有職位之士匡正其不及言此責羣臣正已

繩愆糾謬。格其非心。俾克紹先烈。

傳言恃左右之臣彈正過誤檢其非妄之心使能繼先王之功業

今予命汝作大正。正于羣僕侍御之臣。

傳欲其以正羣僕無敢任偽



懋乃后德。交修不逮。

傳言侍御之臣無小大親疎皆當勉汝君為德更代修進其所不及。

慎簡乃僚。無以巧言令色便辟側媚。其惟吉士。

傳當謹慎簡選汝僚屬侍臣無得用巧言無實令色無質便辟足恭側媚諂諛之人其惟皆吉良正士。

僕臣正。厥后克正。僕臣諛。厥后自聖。

傳言僕臣皆正則其君乃能正。僕臣諂諛則其君乃自謂聖。

后德惟臣。不德惟臣。

傳君之有德惟臣成之君之無德惟臣誤之。言君所行善惡專存左右。

爾無恥于檢人。充耳目之官。迪上以非先王之典。

書經

卷九 周書周命

十一

永懷堂

傳汝無親近於檢利小子之人充備侍從在視聽之官道君上以非先王之法。○昵女乙反。檢息廉反。

非人其吉。惟貨其吉。

傳若非人其實吉良惟以貨財配其吉良以求入於僕侍之臣汝當清審。

若寺寮厥官。

傳若用是行貨之人則病其官職。

惟爾大弗克祗厥辟。惟予汝辜。

傳用行貨之人則惟汝大不能敬其君惟我則亦以此罪汝言不忠也。

王曰嗚呼。欽哉。永弼乃后于彝憲。

傳歎而勅之使弼用所言當長輔汝君於常法此穆王庶幾欲蹈行常法。

周書

呂刑第二十九

呂命傳呂侯見命為天子司寇穆王訓夏贖刑

傳呂侯以穆王命作書訓暢夏禹贖刑之法更從輕以布

吉天作呂刑。

呂刑傳後為甫侯故稱甫刑

惟呂命王享國百年。耄荒。

傳言呂侯見命為卿時穆王以享國百年耄荒忽廖王即位過四十矣言百年大期雖老而能用賢以揚名

度作刑以詰四方。

傳度時世所宜訓作贖刑以治天下四方之民

書經

卷九 周書呂刑

王曰若古有訓。蚩尤惟始作亂。延及于平民。

傳順古有遺訓言蚩尤造始作亂惡化相易延及於平善之人九黎之君號曰蚩尤

罔不寇賊。鴟義。姦宄奪攘。矯虔。

傳平民化之無不相寇賊為鴟梟之義以相奪攘矯稱上命若罔有之亂之甚○鴟梟之反

苗民弗用靈制。以刑。惟作五虐之刑。曰法。

傳三苗之君習蚩尤之惡不用善化民而制以重刑惟為五虐之刑自謂得法蚩尤黃帝所滅三苗帝堯所誅言異世而同惡

殺戮無辜。爰始淫為。劓剕。椽黥。

傳三苗之主頑凶若民敢行虐刑以殺戮無罪於是始大為截人耳鼻椽陰黥面以加無辜故曰五虐○椽竹角反黥其京反

越茲麗刑并制。罔差有辭。

傳苗民於此施刑并制無罪無差有直辭者言淫濫

民與胥漸。泯泯焚焚。罔中于信。以覆詛盟。

傳三苗之民潰於亂政起相漸化泯泯爲亂焚焚同惡皆無中于信義以反背詛盟之約○泯面忍反

虐威庶戮。方告無辜于上。上帝監民。罔有馨香德。刑發聞惟腥。

傳三苗虐政作威衆被戮者方方各告無罪於天天視苗民無有馨香之行其所以爲德刑發聞惟乃腥臭

皇帝哀矜庶戮之不辜。報虐以威。遏絕苗民。無世在下。

傳君帝帝堯也哀矜衆被戮者之不辜乃報爲虐者以威誅遏絕苗民使無世位在下國也

乃命重黎。絕地天通。罔有降格。

傳重卽義黎卽和堯命義和世掌天地四時之官使人神不擾各得其序是謂絕地天通言天神無有降地地祇不至於天明

書經

卷九

周書呂刑

十三

永懷堂

不相干

羣后之逮在下。明明棐常。齔寡無蓋。

傳羣后諸侯之逮在下國皆以明明大道輔行常法故使齔寡得所無有掩蓋

皇帝清問下民。齔寡有辭于苗。

傳帝堯詳問民忠皆有辭怨於苗民

德威惟畏。德明惟明。

傳言堯監苗民之見怨則又增修其德行威則民畏服明賢則德明人所以無能名焉

乃命三后。恤功于民。伯夷降典。折民惟刑。禹平水土。主名山川。稷

降播種。農殖嘉穀。

傳伯夷下典禮教民而斷以法禹治洪水山川無名者主名  
之后稷下教民播種農畝生善穀所謂堯命三君憂功於民

三后成功惟殷于民

傳各成其功惟所以殷盛於民言禮教備衣食足

士制百姓于刑之中以教祇德

傳言伯夷道民典禮斷之以法皋陶作士制百官於刑之中助成道化以教民為敬德

穆穆在上明明在下灼于四方罔不惟德之勤

傳堯躬行敬敬在上三后之徒秉明德明君道於下灼然彰著四方故天下之士無不惟德之勤

故乃明于刑之中率又于民棊斲

傳天下皆勤立德故乃能明于用刑之中正循道以治於民輔成常教

書經

卷九 周書呂刑

古

永懷堂

典獄非訖于威惟訖于富

傳言堯時主獄有威有德有恕非絕於威惟絕於富世治貨賂不行○賂來故反

敬忌罔有擇言在身

傳堯時典獄皆能敬其職忌其過故無有可擇之言在其身

惟克天德自作元命配享在下

傳凡明於刑之中無擇言在身必是惟能天德自為大命配享天意在於天下

王曰嗟四方司政典獄非爾惟作天牧

傳主政典獄謂諸侯也非汝惟為天牧民乎言任重是汝

今爾何監非時伯夷播刑之迪

傳言當視是伯夷  
布刑之道而法之

其令爾何懲。惟時苗民匪察于獄之麗。

傳其令汝何懲。戒乎所懲。戒惟是  
苗民非察於獄之施刑以取滅亡

罔擇吉人觀于五刑之中。惟時庶威奪貨。

傳言苗民無肯選擇善人使觀視五刑之中正  
惟是衆為威虐者任之以奪取人貨所以為亂

斷制五刑以亂無辜。上帝不弔降咎于苗。

傳苗民任奪貨殺人斷制五刑以亂加  
無辜天不潔其所為故下咎罪謂誅之

苗民無辭于罰。乃絕厥世。

傳言罪重無以辭於天罰故  
竟絕其世申言之為至戒

書經 卷九 周書呂刑

王曰嗚呼念之哉。

傳念以伯夷為  
法苗民為戒

伯父伯兄仲叔季弟幼子童孫皆聽朕言庶有格命。

傳皆王同姓有父兄弟子孫列者伯仲叔季順少長  
也察同姓包異姓言不殊也聽從我言庶幾有至命

今爾罔不由慰曰勤爾罔或戒不勤。

傳今汝無不用安自居日當  
勤之汝無有徒念戒而不勤

天齊于民俾我一日非終惟終在人。

傳天整齊於下民使我為之一日所行  
非為天所終惟為天所終在人所行

爾尚敬逆天命以奉我一人雖畏勿畏雖休勿休。

傳汝當庶幾敬逆天命以奉我一人之戒行事雖見畏勿自謂可敬畏雖見美勿自謂有德美

惟敬五刑以成三德一人有慶兆民賴之其寧惟永。

傳先戒以勞謙之德次教以惟敬五刑所以成剛柔正直之三德也天子有善則兆民賴之其乃安寧長久之道

王曰吁來有邦有土告爾祥刑。

傳吁歎也有國土諸侯告汝以善用刑之道

在今爾安百姓何擇非人何敬非刑何度非及。

傳在今爾安百姓兆民之道當何所擇非惟吉人乎當何所敬非惟五刑乎當何所度非惟及世輕重所宜乎○度待洛反

兩造具備師聽五辭。

傳兩謂囚證造至也兩至具備則眾獄官其聽其入五刑之辭

書經

卷九 周書呂刑

六

永懷堂

五辭簡孚正于五刑。

傳五辭簡核信有罪驗則正之於五刑

五刑不簡正于五罰。

傳不簡核謂不應五刑當正五罰封金贖罪

五罰不服正于五過。

傳不服不應罰也正於五過從赦免

五過之疵惟官惟反惟內惟貨惟來。

傳五過之所病或嘗同官位或許反囚辭或內親用事或得貨枉法或舊相往來皆病所在○疵才斯反

其罪惟均其審克之。

儻以病所在出入人罪使在五過罪與犯法者同其當清察能使之不行

五刑之疑有赦五罰之疑有赦其審克之

儻刑疑赦從罰罰疑赦從免其當清察能得其理

簡孚有眾惟貌有稽

儻簡核誠信有合眾心惟察其貌有所考合重刑之至

無簡不聽其嚴天威

儻無簡核誠信不聽理其獄皆當嚴敬天威無輕用刑

墨辟疑赦其罰百鍰閱實其罪

儻刻其額而涅之曰墨刑疑則赦從罰六兩曰鍰鍰黃鐵也閱實其罪使與罰各相當

書經

卷九 周書召刑

七

永懷堂

劓辟疑赦其罰惟倍閱實其罪

儻截鼻曰劓刑倍百為二百鍰

剕辟疑赦其罰倍差閱實其罪

儻別足曰剕倍差謂倍之又半為五百鍰

宮辟疑赦其罰六百鍰閱實其罪

儻宮淫刑也男子割勢婦人幽閉次死之刑序五刑先輕轉至重者事之宜

大辟疑赦其罰千鍰閱實其罪

儻死刑也五刑疑各入罰不降相因古之制也

墨罰之屬千劓罰之屬千剕罰之屬五百宮罰之屬三百大辟之

罰其屬二百。五刑之屬三千。

傳別言罰屬合言刑屬明刑罰同屬互見其義以相備。

上下比罪無僭亂辭。勿用不行。

傳上下比方其罪無聽僭亂之辭以自疑勿用折獄不可行。

惟察惟法其審克之。

傳惟當清察罪人之辭附以法理其當詳審能之。

上刑適輕下服。

傳重刑有可以虧減則之輕服下罪。

下刑適重上服。輕重諸罰有權。

書經

卷九

周書呂刑

六

永懷堂

傳一人有二罪則之重而輕并數輕重諸刑罰各有權宜。

刑罰世輕世重。惟齊非齊。有倫有要。

傳言刑罰隨世輕重也。刑新國用輕典。刑亂國用重典。刑平國用中典。凡刑所以齊非齊各有倫理。有要善。

罰懲非死。人極于病。

傳刑罰所以懲過非殺人欲使惡人極于病苦莫敢犯者。

非佞折獄。惟良折獄。罔非在中。

傳非口才可以斷獄。惟平良可以斷獄。無不在中正。

察辭于差。非從惟從。

傳察囚辭其難在於善錯。非從其偽辭。惟從其本情。



哀敬折獄。明啓刑書胥占。咸庶中正。

傳當憐下人之犯法。敬斷獄之害人。明開刑書。相與占之。使刑當其罪。皆庶幾必得中正之道。

其刑其罰。其審克之。

傳其所刑其所罰。其當詳審能之。無失中正。

獄成而孚。輸而孚。

傳斷獄成辭而信。當輸汝信於王。謂上其鞫劾文辭。

其刑上備。有并兩刑。

傳其斷刑。文書上王府皆當備具。有并兩刑。亦具上之。

王曰。嗚呼。敬之哉。官伯族姓。朕言多懼。

書經

卷九 周書呂刑

九

承懷堂

傳敬之哉。告使敬刑官長。諸侯族同族姓異姓也。我言多可戒懼以儆之。儆音景。

朕敬于刑。有德惟刑。

傳我敬於刑。當使有德者惟典刑。

今天相民。作配在下。明清于單辭。

傳今天治民。人君為配。天在下。當承天意聽訟。當清審單辭。單辭特難聽。故言之。

民之亂罔。不中聽獄之兩辭。

傳民之所以治。由典獄之無不以中正聽獄之兩辭。兩辭稟虛從實。刑獄清則民治。

無或私家于獄之兩辭。

傳典獄無敢有受貨聽詐。成私家於獄之兩辭。

獄貨非寶。惟府辜功。報以庶尤。

傳受獄貨非家寶也。惟聚罪之事其報則以眾人見罪。

永畏惟罰。非天不中。惟人在命。

傳當長畏懼。惟為天所罰。非天道不中。惟人在致命。使不中不中則天罰之。

天罰不極。庶民罔有令政在于天下。

傳天道罰不中。令眾民無有善政。在於天下。由人主不中。將亦罰之。

王曰。嗚呼。嗣孫。今往何監。非德于民之中。尚明聽之哉。

傳嗣孫諸侯。嗣世子孫非一世。自今已往。當何監。視非當立德於民為之中。正乎庶幾。明聽我言而行之哉。

哲人惟刑。無疆之辭。屬于五極。咸中有慶。

書經 卷九 周書呂刑

二十 永懷堂

傳言哲人惟用刑。乃有無窮之善辭。名聞於後世。以其折獄屬五常之中。正皆中有善所以然也。屬音燭。

受王嘉師監于茲祥刑。

傳有邦有土。受王之善衆而治之者。視於此善刑。欲其勤而法之。為無疆之辭。

書經卷十九終

書經卷二十

漢 諫大夫魯孔安國傳

周書

文侯之命第三十

平王錫晉文侯桓桓圭圭瓚瓚

傳以圭為杓，柄謂之圭，瓚作文侯之命。

傳所以名篇，幽王為

犬戎所殺，平王立而東遷洛邑。晉文侯迎送安定之，故錫命焉。

文侯之命

傳平王命為侯伯。

王若曰：父義和

傳順其功而命之。文侯同姓，故稱曰父。義和，字也。稱父者，非一人，故以字別之。

書經

卷十

周書文侯之命

永懷堂

丕顯文武克慎明德

傳大明乎文王武王之，道能詳慎，顯用有德。

昭升于上，敷聞在下。惟時上帝集厥命于文王。

傳更述文王所以王也。言文王聖德明升于天而布聞在下，居惟以是，故上天集成其王命。德流子孫。○聞音問。

亦惟先正克左右昭事厥辟

傳言君既聖明，亦惟先正官賢，臣能左右明事，其君所以然。

越小大謀猷罔不率從，肆先祖懷在位。

傳文王君聖，臣良於小大所謀，道德天下無不循從，其化故我後世先祖歸在王位。

嗚呼！閔予小子，嗣造天丕愆。

傳歎而自痛傷也言我小子而遭天大罪過父死國敗祖業墮

殄資澤于下民侵戎我國家純

傳言周邦喪亂絕其資用惠澤於下民侵兵傷我國及卿大夫之家禍甚大

卽我御事罔或者壽俊在厥服子則罔克

傳所以遇禍卽我治事之臣無有者宿壽考俊德在其服位我則材劣無能之致

曰惟祖惟父其伊恤朕躬嗚呼有續予一人永綏在位

傳王曰同姓諸侯在我惟祖惟父列者其惟當憂念我身嗚呼能有成功則我一人長安在王位言恃諸侯

父義和汝克紹乃顯祖

傳重稱字親之不稱名尊之言汝能明汝顯祖唐叔之道獎之

書經

卷三

周書文侯之命

二

永懷堂

汝肇刑文武用會紹乃辟追孝于前文人

傳言汝今始法文武之道矣當用是道合會繼汝君以善使追孝於前文德之人汝君平王自謂也繼先祖之志爲孝

汝多修扞我于艱若汝于嘉

傳戰功曰多言汝之功多甚修矣乃扞我於艱難謂救周誅犬戎汝功我所善之

王曰父義和其歸視爾師寧爾邦

傳遣令還晉國其歸視汝衆安汝國內上下

用賚爾秬鬯一卣

傳黑黍曰秬釀以鬯莫不言圭瓚可知卣中樽也當以錫命告其始祖故賜鬯

彤弓一彤矢百盧弓一盧矢百

圓形赤盧黑也諸侯有大功賜弓矢以旌  
後專征伐形弓以講德習射藏示子孫

馬四匹

傳馬供武用四匹曰乘侯伯之賜無常以功大小為度

父往哉柔遠能邇惠康小民無荒寧

傳父往歸國哉懷柔遠人必以文德能柔遠者必能柔邇然後國安安小人之道必以順無荒廢人事而自安

簡恤爾都用成爾顯德

傳當簡核汝所任憂治汝都鄙之人人和政治則汝顯用有德之功成矣不以鄰由近以及遠

周書

費誓第三十一

書經

卷三

周書費誓

魯侯伯禽宅曲阜

傳始封之國居曲阜

徐夷並興東郊不開

傳徐戎淮夷並起為寇於

魯故東郊不開作費誓

傳魯侯征之於費地而誓眾也諸侯之事而連帝王孔子序書以魯有治戎征討之備秦有悔

過自誓之戒足為世法故錄以備王事猶詩錄商魯之頌○費音祕

費誓

傳費魯東郊之地名

公曰嗟人無譁聽命

傳伯禽為方伯監七百里內之諸侯師之以征歎而勅之使無喧譁欲其靜聽誓命○譁戶瓜反

徂茲淮夷徐戎並興

傳今往征此淮浦之夷徐州之戎並起為寇此戎夷帝王所羈縻統敘故錯居九州之內秦始皇逐出之

善穀乃甲冑敵乃干無故不弔

永懷堂

傳言當善簡汝甲鎧胄弊整施汝  
楯紛無敢不令至攻堅使可用

備乃弓矢。鍛乃戈矛。礪乃鋒刃。無敢不善。

傳備汝弓矢。調矢利。鍛鍊戈矛。磨礪  
鋒刃。皆使無敢不功善。○鍛丁亂反。

今惟淫舍牯牛馬。

傳今軍人惟大放舍牯牛之  
牛馬。言軍所在必放牧也。

杜乃獲。斂乃窳。無敢傷牯牯之傷。汝則有常刑。

傳獲捕獸機檻當杜塞之。窳穿地陷獸。當以土窒斂之。無敢令  
傷所放牯牢之牛馬。牛馬之傷。汝則有殘人畜之常刑。○斂乃

反協

馬牛其風。臣妾逋逃。勿敢越逐。

書經

卷十

周書費誓

四

永懷堂

傳馬牛其有風佚。臣妾逋亡。勿敢棄越。壘  
伍而求逐之。役人賤者。男曰臣。女曰妾。

祇復之。我商賚汝。

傳衆人其有得佚馬牛。逃臣妾。皆  
敬還復之。我則商度汝功。賜與汝。

乃越逐不復。汝則有常刑。

傳越逐爲失伍。不還爲  
攘盜。汝則有此常刑。

無敢寇攘。踰垣牆。

傳軍人無敢暴劫人。踰越人垣牆。  
物有自來者。無敢取人。○垣音袁。

竊馬牛。誘臣妾。汝則有常刑。

傳軍人盜竊馬牛。誘偷奴  
婢。汝則有犯軍令之常刑。

甲戌我惟征徐戎

傳誓後甲戌之日我惟征之

時乃糗糧無敢不逮汝則有大刑

傳皆當儲時汝糗糧之糧使足食無敢不相及汝則有乏軍興之死刑○時直里反糗音備

魯人三郊三遂時乃楨榦甲戌我惟築

傳總諸侯之兵而但稱魯人時具楨榦道近也○趙曰楨旁曰榦言三郊三遂明東郊距守不峙甲戌日當築攻敵壘距墜之屬

無敢不供汝則有無餘刑非殺

傳時具楨榦無敢不供不供汝則有無餘之刑刑者非一也然亦非殺汝

魯人三郊三遂時乃芻蕘無敢不多汝則有大刑

書經

卷十 周書費誓

五

永懷堂

傳郊遂多積芻蕘供軍牛馬不多汝則亦有乏軍興之大刑○蕘音交

周書

### 秦誓第三十二

秦穆公伐鄭傳遣三帥帥師往代之晉襄公帥師敗諸嶠傳嶠晉要塞也

而敗之囚還歸作秦誓傳晉舍三帥還歸秦穆公悔過作誓

秦誓傳貪鄭取敗悔而自誓

公曰嗟我士聽無譁

傳誓其羣臣通稱士也

予誓告汝羣言之首

傳衆言之本要

古人有言曰民訖自若是多盤

傳言民之行已盡用順道是多樂稱  
古人言悔前不順忠臣心樂音洛

責人斯無難惟受責俾如流是惟艱哉

傳人之有非以義責之此無難也若已有  
非惟受人責即改之如水流下是惟艱哉

我心之憂日月逾邁若弗云來

傳言我心之憂欲改過自新如日月並行過  
如不復云來雖欲改悔恐死及之無所益

惟古之謀人則曰未就予忌

傳惟爲我執古義之謀人謂忠賢蹇  
叔等也則曰未成我所欲反忌之耳

書經

卷下

周書秦誓

六

永懷堂

惟今之謀人姑將以爲親

傳惟指今事爲我所謀之人我且將以  
爲親而用之悔前違古從今以取破敗

雖則云然尚猷詢茲黃髮則罔所愆

傳言前雖則有云然之過今我庶幾以  
道謀此黃髮賢老則行事無所過矣

番番良士旅力旣愆我尚有之

傳勇武番番之良士雖衆力已過老我  
今庶幾欲有此人而用之○番音波

佗佗勇夫射御不違我尚不欲

傳佗佗壯勇之夫雖射御不違我庶  
幾不欲用自悔之至○佗許乞反

惟截截善論言俾君子易辭我皇多有之昧昧我思之



傳惟察察便巧善爲辯佞之言使君子廻心  
易辭我前多有之以我昧昧思之不明故也

如有一介臣斷斷猶無他技其心休休焉其如有容

傳如有束修一介臣斷斷猶然專一之臣雖無他伎藝其  
心休休焉樂善其如是則能有所容言將任之○介音界

人之有技若已有之人之彥聖其心好之不啻如自其口出是能

容之

傳人之有技若已有之樂善之至也人之美聖其心  
好之不啻如自其口出心好之至也是入必能容之

以保我子孫黎民亦職有利哉

傳用此好技聖之人安我子孫  
衆人亦主有利哉言能興國

人之有技冒疾以惡之人之彥聖而違之俾不違

書經

卷十 周書秦誓

永懷堂

傳見人之有技藝蔽冒疾害以惡之人  
之美聖而違背壅塞之使不得上通

是不能容以不能保我子孫黎民亦曰殆哉

傳冒疾之人是不能容人用之不  
能安我子孫衆人亦曰危殆哉

邦之杌隍曰由一人

傳杌隍不安言危也二人所任用國之傾危  
曰由所任不容賢○杌五骨反隍五結反

之榮懷亦尚一人之慶

傳國之光榮爲民所歸亦庶幾其所任用賢之善也  
穆公陳戒背賢則危用賢則榮自善改前過之意

